

**Awe sentencia
ta cay pa
homber cu a
hinca otro 8
biaha cu cuchio**

DIASABRA AWOR!**WAREHOUSE
SALE***Great Deals Available!***Satex****DIASABRA AWOR!****Jun. 13, 2026****LOCATION: SEROE BLANCO 8Y****9AM - 1PM****Lito Lacle, Presidente di Sindicato di Polis:**

Departamento di Recherche ta den crisis

**A bati alarma di tur manera, pero nan no ta hayando oido*

ORANJESTAD (AAN)-- Señor Lito Lacle, Presidente di Sindicato di Polis (SPA), den un entrevista cu Matutino DIARIO, a splica cu Departamento di Recherche (DAR) ta den crisis. Diaranson, su colega di DAR a yam'e bis'e cu nan no por mas. Lacle a indica cu luna pasa, por ehemplo, Minister di Husticia a duna opdracht na Mando Policial pa pone mas hende na DAR, pa nan por duna servicio na pueblo di Aruba, y Ministerio Publico a manda en total tres carta pa nos Mando Policial, di cual e prome dos cartanan no a haya contesta, y e di tres a haya contesta, pero sin solucion.

Accion di Barrio a sigui na Rooi Afo y Seroe Preto

ORANJESTAD (AAN): E Accion di Barrio cu a tuma lugar diahuebs mainta na Rooi Afo y Seroe Preto a pone enfasis riba limpieza, produccion local y fortalece e balornan di nos comunidad. Durante e accion, Prome Minister mr. Mike Eman a bishita diferente iniciativa y organisacion den e barrio pa conoce di cerca e necesidadnan y e esfuersonan positivo cu ta contribui na bienestar di nos hendenan. E mainta a habri cu un reconocimiento unda Robert Maduro a ricibi un homenahe pa su aporte den nos musica y cultura.



Parlamentario di AVP, Jennifer Arends-Reyes:
**Fondonan Europeo ta disponibel
pa yuda Aruba desaroya
diferente proyecto**



ORANJESTAD (AAN): Durante un bishita oficial na Parlamento Europeo na Brussels, parlamentario Jennifer Arends-Reyes, presidente di Comision di Relacionnan di Reino y Relacionnan Exterior di Parlamento di Aruba, hunto cu e delegacion di Aruba, a sostene un encuentro constructivo cu europarlamentario Marit Majj y su asesor politico Kenville Kleinmoedig. E reunion a ofrece un oportunidad importante pa intercambia idea tocante e relacion entre Aruba, Reino Hulandes y Union Europeo, cu enfasis particular riba e posicion special cu Aruba ta ocupa como Pais den Reino y como Overseas Country and Territory (OCT) asocia cu Union Europeo.

E Factura di SETAR

Awo riba un Solo Pagina

Nos a simplifica bo
factura mensual.
Desde juni tur bo
gasto y e total di bo
servicionan lo ta
visibel riba un solo
pagina.



CLIENTE CONTENTO

SEROE BLANCO 29a

AW 000000 ORANJESTAD

Seroe Blanco 29 A

Oranjestad, Aruba

525 1000

customercare@setar.aw

www.setar.aw

Customer Number	Invoice Number	Invoice Month	Due Date	Total Invoice
12345678	123456789	May 2026	08 June 2026	Afl. 106.83

Due Date: 08 June 2026

Please Pay

Afl. 106.83

Invoice Summary for May 2026

 Fixed	Afl.	43.83
 Internet	Afl.	0.00
 TV	Afl.	63.00

Subtotal

Afl. Afl. 106.83

Total Invoice for May 2026

Afl. Afl. 106.83

FOR A COMPLETE DETAILED OVERVIEW OF YOUR INVOICE, LOG IN TO YOUR MISETAR ACCOUNT.

Pick & Choose

Bundle, Watch & Win.

Voice + Internet

Voice + TV

TV + Internet

Pick & WIN!

Recliner + 55" Smart TV.





Sign up and enjoy

FREE installation!

Terms and conditions may apply.

Visit www.setar.aw/disclaimer.

PREVIOUS BALANCE: Afl.14.23

Any questions or disputes regarding this invoice must be submitted in writing within three (3) months of the due date.

No claims will be accepted thereafter. SETAR N.V. will charge a late payment and/or non-payment fee on any overdue balance.





CLIENTE CONTENTO



12345678876543210



106.83



SETAR

setar.aw | Teleshops

Lito Lacle, Presidente di Sindicato di Polis:

Departamento di Recherche ta den crisis

**A bati alarma di tur manera, pero nan no ta hayando oido*

ORANJESTAD (AAN)-- Señor Lito Lacle, Presidente di Sindicato di Polis (SPA), den un entrevista cu Matutino DIARIO, a vocifera cu DAR ta den crisis. Diaranson, su colega di DAR (Departamento di Recherche) a yam'e bis'e cu nan no por mas.

“Un luna pasa, por ehemplo, Minister di Husticia a duna opdracht na Mando Policial pa pone mas hende na DAR, pa nan por duna servicio na pueblo di Aruba, y Ministerio Publico a manda en total tres carta pa nos Mando Policial, di cual e prome dos cartanan no a haya contesta, y e di tres a haya contesta, pero sin solucion.

Fin di siman a pasa, y Mando Policial a scucha cu probablemente Dialuna DAR lo ‘walk out’. Mesora Diadomingo colega di DAR a dicidi pa no ‘walk out’ pero bay sinta mesa y ban busca



solucion. Na mesun reunion ey na Wayaca, Altocomisario a wordo invita, pero e no a bin. Esey pa cumenza!

Pa di dos, colega di DAR a sinta na mesa cu hefe di Recherche caminda el a bisa nan cu e no sa unda tin problema, y no tin solucion pa e problema, y despues el a coi su maleta subi avion bay Curacao. Esey tabata e solucion y eyan nos ta para awe”, Presidente di SPA Lito Lacle a señala.

Lacle a sigui bisa cu tin dos distrito cu ta Noord y San Nicolas cu ta practicamente sin recherche, nan a bati alarma di tur manera, pero nan no ta hayando oido, locual ta hopi importante aworaki unda DAR ta completamente plat awo.

Lito Lacle a menciona cu mas of menos tres aña pasa vacature a wordo habri pa tuma siete recherche den servicio, un so nan a haya y despues nunca mas a haya un beschikking den e DARNan y esey ta un di e problemanan mas grandi cu tin.

Segun Alto Comisario di Polis Ramon Arnhem:

Solucion pa falta di personal mester ta estructural y sostenibel

** E ta un problema serio cu ta existi desde hopi aña caba*

** E ta resultado di añanan sin suficiente entrada di personal nobo*



ORANJESTAD (AAN): Dia-huebs merdia, Alto Comisario Ramon Arnhem a convoca un conferencia di prensa na Centro di Husticia na Macuarima pa duna su declaracion despues cu recherche nan a para trabou pa aproximadamente dos ora pa manifesta nan preocupacion tocante e continuo falta di personal.

E preocupacionnan expresa door di Sindicato di Polis, SPA y e personal di Districtsrecherche ta totalmente hustifica, segun Alto Comisario di Polis, cu a reconoce cu e departamento aki ta enfrentando un falta di personal serio desde hopi aña. Sinembargo, segun



señor Arnhem, e solucion no por limita su mes na un solo departamento.

Segun e, apesar di e condicionnan dificil, e personal di Districtsrecherche ta sigui entrega trabounan di calidad halto y ta merece gran respet pa nan dedicacion. E Korps Management Team (KMT) ta completamente di acuerdo cu e preocupacionnan expresa door di e sindicato y e personal investigativo.

Alto Comisario a expresa cu ta lamentabel cu e situacion a yega na un punto unda empleadonan a sinti nan mes obliga pa protesta. No obstante, el a indica cu protesta ta parti di un sistema democratico

y por contribui na identifica problema y preocupacionnan cu ta existi.

El a enfatisa cu e obhetivo di tur ta mescos: garantisa seguridad den nos comunidad y cuida e bienestar di e personal. Tocante e peticion pa reforsa Districtsrecherche, Alto Comisario a splica cu no ta semper posibel pa simplemente transferi personal di otro departamentonan. Segun e, varios unidad dentro di Cuerpo Policial di Aruba tambe ta enfrenta escases di personal y mester sigui atende investigacionnan y otro tareanan esencial. El a confirma cu durante e siman aki mes a tuma medida pa fortalece Dis-



trictsrecherche y cu esaki a wordo comunica cu e personal concerni.

Tambe, segun e, e problema di falta di personal no ta limita su mes na polis pero ta afecta practicamente henter cadena di husticia, incluyendo Ministerio Publico, KIA y KPA. Como resultado, Ministerio Publico a indica cu tin denuncia cu no ta haya seguimiento debi na e limitacionnan existente.

Segun Arnhem, e problema actual ta resultado di añanan sin suficiente entrada di personal nobo. El a señala cu durante ocho aña no tawata tin klasnan nobo na e academia di polis, mientras cu hopi agente a baha cu pension of a laga servicio. Desde cu el a asumi e cargo, tawatin dos klas maximo pa aña.

Actualmente, KPA ta opera cu mas di 30% di falta di personal. Sin embargo, segun e Alto Comisario, e cifranan actual ta

basa riba data di 2011 y no ta refleha e realidad di awe, considerando cu tanto e poblacion como e complehidad di trabou policial a crece considerablemente.

Pa atende e desafionan, KPA ta busca solucionnan innovador mediante automatizacion, inversion den tecnologia y redistribucion strategico di personal. No obstante, e Alto Comisario ta enfatisa cu e solucion real mester ta estructural y sostenibel, incluyendo inversion continuo den entrenamento y incorporacion di personal nobo durante e añanan benidero.

Finalmente, el a reafirma su disponibilidad pa mantene dialogo cu sindicato y otro actornan relevante. “Mi ta sigui busca conexion y cooperacion. Solamente trahando huntu nos por yega na solucionnan duradero pa e desafionan cu nos organisacion ta enfrentando,” el a conclui.



Awo cu 2 florin mas, bo por gana e **MEGA PLUS**
*** Afl. 420.000,-**
*** Afl. 320.000,- + Afl. 100.000,- extra**



HUNGA AWO



Benta ta sera 7:30 pm y sorteo ta hunga 7:45 pm

Parlamentario Shailiny Tromp-Lee na IPKO:

Dialogo no ta suficiente pa trece bienestar pa nos paisnan



ORANJESTAD (AAN): Durante e reunionnan intensivo di IPKO (Interparlementair Koninkrijks-overleg) cu a tuma lugar na Hulanda, un di e partinan mas crucial tabata e sesionnan di trabao den grupo unda a debati abiertamente riba e cooperacion denter di Reino.

Parlamentario Shailiny Tromp-Lee a hiba un posicion firme, enfatisando cu dialogo so no ta suficiente pa avanse.

E sesionnan aki, cu a wordo teni tras di porta cera pa garantiza un ambiente di confiansa y sinceridad, a duna espacio na e parlamentari-

onan di Aruba, Corsou, Sint Maarten y Hulanda pa confronta e realidad di nan relacionnan.

A hiba dialogo rond di preguntanan manera: Con e paisnan ta mira otro? Con por evalua e confiansa mutuo? Y kico realmente falta pa por bini cu un mihor formacion di respet y un bista habri pa e necesidnan di cada un?

For di dialogo pa accion Pa Parlamentario Tromp-Lee, e combersacionnan aki den diferente grupo di trabou mester tin un meta hopi mas halto cu simplemente un intercambio di opinion. "E dialogonan aki tin balor,



pero riba nan mes no ta basta. Mi inbreng tabata masha cla y directo: nos mester percura pa den futuro e dialogonan aki culmina den palabracionnan concreto pa traha riba solucionnan real y beneficienan tangibel pa nos paisnan," Tromp-Lee a declara.

E parlamentario a splica cu cooperacion denter di Reino por funciona solamente si tin determinacion y decisionnan fijo cu ta traduci den beneficio directo pa nos hendenan. Di e forma aki, IPKO por fungi como un plataforma berdaderamente productivo y eficiente, unda e reunionnan ta duna resultado.

Tromp-Lee ta indica cu e session a bay hopi bon y sigur e ta haya hopi positivo cu a amplia e cantidad di tempo cu ta pone riba schedule pa nan. Antes e tempo tabata demasiado limita y awor a pone 2 ora esaki. Sigur un cambio pa mihor.

Un cooperacion structural E meta final di e sesionnan aki mester conduci cu ta keda stipula kico e parlamentarionan tin mester di otro pa por traha hunto na un mihor manera, cu mas respet mutuo y un atencion real pa e retonan cu cada pais ta enfrenta.

"Solamente cu determinacion y accionnan concreto nos por fortifica un cooperacion den Reino cu berdad ta trece bienestar pa nos pais," Tromp-Lee a conclui.

OPHEFFING FAILLISSEMENT

Bij beschikking d.d. 5 juni 2026 heeft het Gerecht in Eerste Aanleg van Aruba het faillissement van de naamloze vennootschappen:

ABJL Taxatie – en Architectenbureau N.V. h.o.d.n. ABJL & Partners

ABJL General Construction N.V. h.o.d.n. ABJL General Contractors

ABJL Alternative Energy N.V. h.o.d.n. Avant-Garde Architecture & Interior Design;

uitgesproken d.d. 16 juni 2017, wegens gebrek aan baten opgeheven.

De curator, mr. Z.T.M. Arendsz-Marchena



VACATURE

ADMINISTRATIEF Medewerker (m/v)

Ben je Leergierig, Dynamisch en sociaal?
 Wil je bijdragen aan het welzijn van mensen?
 Dan zijn we op zoek naar jou!

Wat wij zoeken:

- * Fulltime Beschikbaar
- * Vloeiend in Nederlands, Engels en Papiamentu
- * Representatief, vriendelijk en enthousiast
- * In staat om te werken in een klein en hecht team
- * Minimaal MBO niveau
- * Ervaring met Quick Books
- * Basiskennis van computergebruik
- * Opleiding en ervaring in de zorg is een plus

Jouw Taken:

- * In behandeling nemen en controleren aanvragen van cliënten.
- * Controleren als de verhuur dossiers up to date zijn
- * Het maken van credit nota's in Quick books.
- * Zorgdragen voor de maandelijkse declaraties

Wat wij bieden:

- * Een Prettige werksfeer
 - * Marktconform Salaris
 - * Doorgroei mogelijkheden
- Stuur je CV en motivatie brief naar:
peter@labco-medical.com

Voor meer info, whatsapp : (5999) 5254343



AvisBudget Payless Aruba

Nos ta buscando Car Washers

Rekisitonan:

- Mester por traha independiente
- Mester tin propio transporte
- Mester tin permiso valido pa traha
- Mínimo diploma EPB
- Mester ta amabel i cordial cu clientenan i supervisornan

Si bo ta interesa, pasa jena un formulario na nos oficina na Barcadera 4 of manda nos un email na info@budgetaruba.com

Weekly SPECIALS

12 JUNE - 18 JUNE '26



Per KG
f3.89
Normal Price

Per KG
f2.99
Special Price

PAMPOENA (PUMPKIN)



Each
f3.59
Normal Price

Each
f2.99
Special Price

MANGO



Each
f6.99
Normal Price

Each
f5.99
Special Price

MELON CANTALOUPE



Each
f6.29
Normal Price

Each
f5.69
Special Price

SSIPS SABOR LATINO
STRAWBERRY KIWI 59oz



Each
f7.99
Normal Price

Each
f7.09
Special Price

LA YOGURT WHOLE PLAIN
32oz



Each
f13.99
Normal Price

Each
f12.49
Special Price

TROPICANA ORANGE JUICE
HOMESTYLE 46oz



Per KG
f69.99
Normal Price

Per KG
f59.99
Special Price

BLACK ANGUS FLAT IRON
STEAK BRAZIL



Per KG
f23.99
Normal Price

Per KG
f15.99
Special Price

U.S. PORK TENDERLOIN



Per KG
f15.99
Normal Price

Per KG
f11.99
Special Price

CHICKEN BREAST

*Promocion ta valido desde 12 di juni pa 18 di juni 2026 y tanten cu tin den stock.

SUPER
Do it Center®

Rish Ann Ammerland, Trahado Social:

FCVR ta invita comunidad pa yuda como boluntario pa colecta fondo



ORANJESTAD (AAN)--
Señora Rish Ann Ammerland, Trahador Social na Fundacion Contra Violencia Relacional (FCVR), den entrevista cu Matutino DIARIO a elabora riba nan recaudacion di fondonan cu ta tumando lugar den comunidad, pa yuda e fundacion.

Señora Ammerland a bisa cu nan ta haci colect dos biaha pa aña, pasobra nan fondo ta wordo cubri parcialmente, pa gobierno y esaki ta haci cu e fundacion ta keda cu falta di fondo pa drecha nan servicio, nan shelter, y pa bin cu proyectonan nobo pa mehora nan servicio pa clientenan.

“Mi tin di bisa cu e ultimo añanan e acogida di comunidad pa e colect tabata bon, pero manera añanan ta bay, e ta baha y mi ta kere cu esey ta pasobra hopi hende no ta cana cu cash awendia, y esey ta haci un tiki dificil pa hende aporta. Pero nos tin un bon acogida di e comunidad di Aruba, y e aña aki nos ta hacie un biaha mas cu e meta di recauda 35 mil florin, esey ta e minimo cu nos kier logra, pero logicamente si ta mas ta miho”, señora Ammerland a señalá. Esaki ta e prome colect pa e aña aki.

“Nos kier a invita comunidad di Aruba pa yuda nos cu e colect aki, nos mester di alomenos cinco pa ocho boluntario pa cada post, pa cada horario. E fechanan ta riba Diasabranan: 27 di Juni, 4 di Juli y 11 di Juli; e horario ta entre 9’or di mainta pa 12’or di merdia

y 3’or pa 6’or di atardi. Nos ta para na e diferente rotondenan di Aruba. Contact pa inscribi como boluntario por manda un whatsapp na 593-2767. Yuda nos pa asina nos por sigui brinda nos clientenan nos servicio”, señora Rish Ann Ammerland, Trahado Social di FCVR a duna di conoce.



VACANCY NOTIFICATION

Instituto Medico San Nicolas (ImSan) aims to provide and promote optimal medical care in clinical, outpatient, and ambulatory settings, ensuring accessibility for all citizens.

ImSan is seeking a dynamic, visionary, and experienced Director to lead its Hospital operations and strategic development. The Director is responsible for overall strategic, operational, and clinical leadership, ensuring high-quality healthcare delivery and organizational sustainability.

Director (M/F)

Key Responsibilities:

- Provide leadership and direction for all hospital operations, staff, and financial management.
- Develop and implement strategic, organizational, and financial policies.
- Ensure compliance with healthcare regulations, medical protocols, quality standards, and ethical practices.
- Oversee clinical activities and promote continuous improvement in patient care and service delivery.
- Represent the organization internally and externally, including reporting to the Supervisory Board.
- Foster innovation and development of healthcare services aligned with evolving healthcare needs.
- Build and maintain effective relationships with stakeholders across the healthcare sector in Aruba.
- Ensure sound financial management, budgeting, accountability and reporting.

Profile:

- Academic degree in a field relevant to the position, e.g. a master's degree in medicine, healthcare, public health, management, legal.
- Extensive experience in healthcare administration, having strong organizational skills to manage multiple projects simultaneously and oversee the daily management of the hospital.
- Strong ethical decision-making skills.
- Strong leadership and management skills.
- Experience in healthcare or a medical environment.
- Strategic thinker with excellent communication skills.
- Committed to quality, ethics, and organizational development.
- The Director shall reside in Aruba.

Offer:

Compensation package will be according to Landsverordening Normering Topinkomens (LNT) – AB 2022 no.91.

Application Process:

Qualified candidates are invited to submit their curriculum vitae/resume and cover letter detailing their leadership experiences to the Chairman of the Board of Supervisors at hr@imsan.aw before June 30, 2026

redefining patient care

Señora Meverly Romano di DIMP:

Ta rekeri responsabilidad y disciplina pa cumpli cu pago di impuesto di vehiculo di motor na tempo

** DIMP ta ofrece sistema di pago parcial*



ORANJESTAD (AAN): Tur vehiculo di motor tin e responsabilidad pa cumpli cu pago di impuesto di number. Cada 31 di januari y cada 30 di juni di aña, ta e deadline pa paga impuesto riba number di vehiculo di motor. Si usarionan no paga

esaki pa e fechanan menciona, e boet di 50 % ta bin na vigor e siguiente dia. Señora Meverly Romano di Departamento di Impuesto (DIMP) a remarca cu tin ciudadanonan cu no ta worry pa cumpli cu e pago, pero tin algun cu pa motibo di situacionnan, tin dificultad pa cumpli.

DIMP ta ofrece e sistema di pago parcial. E departamento ta habri e posibilidad pa paga desde september pa e aña siguiente. Ciudadanonan por cuminsa paga un suma (Awg.50,-) pa luna pa e prome mita di aña te ora e cubri e suma total prome cu

deadline na fin di januari. Y despues e por sigui paga mescos pa e di dos mita di aña prome cu e deadline na fin di juni.

“Esaki ta rekeri conscientizacion y disciplina pa ciudadanonan por cumpli cu nan pago di impuesto di vehiculo di motor na tempo”, señora Romano a expresa.

El a menciona cu e cantidad di 13.909 pa incumplimento ta un cantidad toch halto. Esakinan ta e cantidad di vehiculo di motor cu ta coriendo riba nos carteranan sin nan impuesto paga. Di e grupo aki, tin 795 motociclista cu no a

paga nan number di MFA pa aña 2026. Y tin 11.679 di plachinan A cu no ta paga.

DIMP ta recorda tur ciudadano cu no a paga nan impuesto di vehiculo di motor ainda pa e di dos mita di aña,

pa tene cuenta cu e deadline ta dia 30 di juni. Y si no paga pa e fecha aki, dia 1 di july e boet di 50% automaticamente ta drenta den sistema riba number di esnan cu no a cumpli cu e pago.

MISSING DOG

TEDDY



MISSING AREA:
HUAN ZHAN / WHOLE NOORD
NEAR WEI MING SUPERMARKET
AND EX CARMELO PARRILLADA CAFE

COLOR: BLACK WITH CREAM
BREED: CHIHUAHUA
NEUTERED: YES
MICROCHIP: YES
NO COLLAR ON



DO NOT APPROACH!
HE IS A NERVOUS DOG
IS SCARED OF HUMANS AND EVERYTHING AROUND HIM.



HE IS A TRAUMATIZED
RESCUE DOG.

2,000 AFL
REWARD FOR INFORMATION LEADING TO
TEDDY'S SAFE RETURN.

CONTACT: | 5931816 or 5629625

Any information, no matter how small, could help.

Thank you!

OPHEFFING FAILLISSEMENT

Bij beschikking d.d. 5 juni 2026 heeft het Gerecht in Eerste Aanleg van Aruba het faillissement van de naamloze vennootschap **Advenco N.V.**, uitgesproken d.d. 31 juli 2015, wegens gebrek aan baten opgeheven.

De curator, mr. Z.T.M. Arendsz-Marchena



AANKONDIGING

Bij exploit van mij, Josefín P. Locadia, deurwaarder voor burgerlijke zaken bij het Gemeenschappelijk Hof van Justitie van Aruba, Curacao, Sint Maarten, Bonaire, Sint Eustatius en Saba, en bij het Gerecht in Eerste Aanleg van Aruba, d.d. 29 mei 2026, waarvan een afschrift is gelaten aan de directeur van de DWJZ in Aruba, die het origineel hiervan voor GEZIEN heeft getekend, is aan **Nelson Ramón MEREJILDO POLANCO** geboren op 28 juli 1952 Dominicaanse Republiek zonder bekende woon- of verblijfplaats in Aruba

BETEKEND:

een door mij, deurwaarder, op 29 mei 2026 opgemaakt proces-verbaal, waarbij uit kracht van de daarin vermelde conservatoir derdenbeslag is gelegd, ten verzoeken **Claribert de Los Angeles POLANCO MEREJILDO** geboren op 8 mei 1958 te Pimentel, Dominicaanse Republiek. ten laste van de gerequireerde

Josefin P. Locadia,
gerechtsdeurwaarder.

GOODOL CU CACHI CACHI

TUR DIA GANA 1000,-

CON PA HUNGA

CU CADA COMPRA DI WEGA DI
PENALTY SHOOT BO TA RICIBI 1 NUMBER DI CACHI CACHI GRATIS!
SORTEO DI CACHI CACHI TA TUMA LUGAR
DURANTE SORTEO DI ANOCHI Y DIADOMINGO 2:00PM

Loto
Cambiando vida

www.lottoaruba.com

CAMPAÑA LO TA VALIDO DESDE 10 DI JUNI TE CU 31 DI JULI

Parlamentario Hendrick Tevreden:

Post di Minister Gerlien Croes riba medionan social no ta cuadra cu realidad



ORANJESTAD (AAN): Parlamentario Hendrick Tevreden a trece claridad y a frame un posicion fuerte relaciona cu e bishita di e delegacion na Raad van State. Segun Tevreden, e informacion cu a sali den media di comunicacion recientemente y cu a wordo comparti pa e Minister Gerlien Croes no ta refleha e opinion real di e organo konsehero aki.

Durante e bishita na Raad van State, e delegacion tabatin e oportunidad di dialoga y comparti pensamentu riba e konseho ku a sali

di e organo aki. Tevreden a enfatisa e importansia pa e pueblo komprondé bon kiko ta e realidat tras di e asina yamá “Koninkrijks-dossier” ku a keda publiká den prensa hulandes.

Tevreden a splica cu loke a keda publica den media no ta refleha e opinion cu Raad van State a conseha formalmente den su conseho. Loke e medio di comunicacion a saca, ta mas bien parti di un deliberacion interno, y no e pensamiento structural di Raad van State mes den e conseho,” e parlamentario

a duna di conoce.

E la agrega cu e mes a sinta y a papia directamente cu Raad van State, caminda a keda confirma cu “di ningun manera” e publicacionnan ey ta representa nan posicion oficial.

Un punto di preocupacion grandi pa Tevreden ta e echo cu e Minister di Relashonnan den Reino a topa cu e relato aki den media y a scoge pa publica esaki riba su pagina di Facebook, insinuando cu esaki ta e pensamiento di Raad van State.

Tevreden a duna un men-

sahe cla na e comunidad: E publicacion cu e Minister a haci riba su Facebook no ta cuadra cu e realidad cu e delegacion a scucha y verifica cerca Raad van State.

Ta lamentabel cu un minister ta uza e tipo di informacion aki sin e verificacion necesario.

E situacion aki, segun Tevreden, ta habri caminda naturalmente pa un debate

profundo den Parlamento. E meta principal di e debate aki lo ta pa clarifica e asunto y pa mustra cu no tur ora loke media ta publica ta cuadra cu e pensamiento real di e instancianan envolvi.

E parlamentario ta spera cu pueblo tambe por tuma nota di esaki y keda alerta cu e informacionnan cu a circula no ta basa riba echo corecto.

OPHEFFING FAILLISSEMENT

Bij beschikking d.d. 5 juni 2026 heeft het Gerecht in Eerste Aanleg van Aruba het faillissement van de naamloze vennootschap **H.B. Rent-A-Car N.V. h.o.d.n. Thrifty Car Rental**, uitgesproken d.d. 18 februari 2014, wegens gebrek aan baten opgeheven.

De curator, mr. Z.T.M. Arendsz-Marchena



Curandero Spiritual Africano Mr RACHIM

Por yuda cu problemanan sentimental y di famia, hechizo di amor, trece bek amor, magia negra, malasuerte, bruheria y exito den negoshi pa mas informacion <https://mediumrachim.com>
Trabao 100% GARANTIZA
També via whatsapp 297-7474049

Local publication for call for proposals

Sustainable management of Caribbean OCTs natural capital

EuropeAid/186288/DD/ACT/Multi



The Delegation of the European Union to Barbados, the Eastern Caribbean States and the OECS, covering relations with the EU's Caribbean Overseas Countries and Territories, is seeking proposals for strengthening the sustainable management of the Caribbean OCTs' natural capital in Aruba, Bonaire, Curaçao, Saba, Saint Barthélemy, Sint Eustatius and Sint Maarten with financial assistance from the EU Budget. The full guidelines for applicants are available for consultation at the office of the EU Delegation in Barbados - Hastings, Christ Church, BB15156, Bridgetown, Barbados and on the following internet sites:

- <https://webgate.ec.europa.eu/online-services/#/>
- <https://ec.europa.eu/info/funding-tenders/opportunities/portal/screen/opportunities/calls-for-proposals?status=31094501,31094502&frameworkProgramme=111111&order=DESC&pageNumber=1&pageSize=50&sortBy=startDate>

The deadline for submission of proposals is 28 August 2026 at 16:00 Brussels' time. An information session on this call for proposals will be held online on 23 June 2026 at 15:00 Brussels' time.



OPROEPING:

De griffier van het Gerecht in Eerste Aanleg van Aruba roept hierbij op:

- DE MARCHENA, Jennifer Sarah,

Om op **maandag, 17 augustus 2026 om 08:45 uur** voor de rechter in het Gerechtsgebouw in Aruba te verschijnen, voor indienen verweerschrift in verband met een door VIVAS MARFISI, José Ernesto ingediend Levensonderhoud/alimentatieverzoek **AUA202601923 EJ.**

de Griffier,
D.A. Wieffering



OPROEPING:

De griffier van het Gerecht in Eerste Aanleg van Aruba roept hierbij op:

- VIVAS MARFISI, Leonardo José

Om op **maandag, 17 augustus 2026 om 08:45 uur** voor de rechter in het Gerechtsgebouw in Aruba te verschijnen, voor indienen verweerschrift in verband met een door VIVAS MARFISI, José Ernesto ingediend Levensonderhoud/alimentatieverzoek **AUA202601923 EJ.**

de Griffier,
D.A. Wieffering

18.262 trahador lo beneficia den mehoracion di nan poder di compra

ORANJESTAD (AAN): Gobierno di Aruba a anuncia un serie di ahuste concreto cu tin como meta fortifica e poder di compra di miles di ciudadano riba nos isla, cu enfoko special riba e trahadonan cu entrada mas abou y gruponan cu ta sinti mas fuerte e impacto di aumento den costo di bida. “Pa nos ta sumamente importante cu crecimiento economico no keda solamente den cifranan, pero cu nos pueblo tambe por sinti e mehoracion den nan bida diario,” Prome Minis-

ter Mike Eman a expresa.

18.262 trahador lo beneficia den mehoracion di nan poder di compra

Un di e puntonan principal cu Gobierno ta introduci un aumento di *reparatietoelag* pa e trahadonan cu un entrada di salario minimo Segun e cifranan presenta door di Directie Arbeid & Onderzoek (DAO), e grupo aki ta representa un total di 18.262 persona den sector priva, ekivalente na 37.4% di tur trahado



den sector priva.

“Nos ta papia aki di un grupo hopi grandi den nos comunidad. Tin hopi hende cu, a pesar di e crecimiento economico di pais, no semper a logra mira un aumento significativo den nan poder di compra y cu ta pasando den momentonan dificil,” asina e Prome Minister a indica.

Segun e informacion comparti durante un momento cu prensa, e grupo di trahado cu lo beneficia ta inclui:

5.554 persona cu ta gana menos cu salario minimo;

4.389 persona cu ta gana salario minimo;

8.319 persona cu tin un entrada entre salario minimo te cu Afl. 2.500.

Den total, 8.187 homber y 10.075 muhe lo beneficia di e ahuste financiero. E cifranan presenta ta muestra tambe cu e mayoria di trahadonan cu entrada mas abou ta concentra den sectornan manera servicio comercial, horeca, retail, lodges y construccion.

Dialogo ta sigui pa eventual aumento di salario minimo

Eman a enfatisa cu e aumento di e reparatietoelag no ta remplaza e dialogo social cu Gobierno kier habri tocante eventual aumento di salario minimo rumbo na un “bestaansminimum”, pero cu Gobierno no kier y tampoco por laga e grupo aki sin apoyo mientras cu e dialogonan social lo ta desaroyando. “Mientras nos ta preparando pa e dialogo social cu e dunadonan di trabou y e sindicatonan, nos a sinti cu Gobierno tin un responsabilidad pa yuda reforsa e poder di compra p’e grupo aki,” Eman a declara.

Segun e Prome Minister, e ahuste ta forma parti di un strategia mas amplio pa proteha e bienestar di pueblo Arubiano, incluyendo tambe aumento den sosten pa esun cu handicap-uitkering y absorba parcialmente e aumento di prijs di combustibel.

“Gobierno ta serio den procura cu nos comunidad por haya e sosten cu nan merece. Prosperidad comparti mester traduci den mas siguridad y mas poder di compra pa nos pueblo,” Eman a conclui.



PUBLIC AUCTION

THURSDAY
JULY 16, 2026

On THURSDAY, July 16, 2026, at 11am, at the Chamber of Commerce, Aruba, will be auctioned in public (*executoriale verkoop*) pursuant to art. 3:268 and 3:254 Civil Code of Aruba:

Pos Abao 10-N

A residential house, situated on a full-ownership land, in total 780 m2 in size, situated at Pos Abou in Aruba, registered in the Title Registry of Aruba as First Division Section K number 1530.

Starting bid: Afl. 740.024, --

AUCTION NOTARY: Th.R. JOHNSON

- The auction is subject to the general conditions for foreclosure auctions and special auction conditions which will be determined by civil law notary Th.R. Johnson.
- Seller has the right to not accept any bid, at its sole discretion.
- The auction may be stopped or postponed at any time.
- Each bidder must submit a bank guarantee and/or letter of credit issued by a bank in Aruba to the amount of the highest bid increased with an amount equal to the auction costs.
- A signed and dated private bid can be submitted until **June 30th, 2026, 5 PM**. A bidding form can be downloaded on our website.

For more information visit:
WWW.JOHNSONNOTARY.COM

Un tremendo teamplayer cu hopi atencion pa pashent y colega

HOH su empleado di luna di mei ta Somaly Felten

ORANJESTAD (AAN): Un sorpresa completo pa Somaly Felten ora cu, na luga di dren-ta un reunion, ela dreña e sala y topa cu su famia, coleganan, specialistanan y miembronan di Hunta di Directiva hunto gritando 'surprise'. Sigur un dia cu e lo no lubida nunca unda cu palabranan di elogio pa su trabou no tabata falta. Tur luna Horacio Oduber Hospital (HOH) ta reconoce un colega cu a resalta y Somaly Felten, secretaria medico na clinica di nefrologia e biaha aki a sali nos empleado di luna di mei.

Somaly ta sobresali paso e ta un tremendo teamplayer cu coleganan semper por conta riba dje y ta contribui activamente na colaboracion positivo den su team. E ta duna feedback di un manera proactivo y cu respet. E no tin miedo di pone tema nan riba mesa y ta scucha atentamente sin husga. Como coordinador di e policlinicanan Somaly tin mas responsabilidatnan cu e ta ehecuta di un forma excelente ademas di duna un tremendo sosten n'e manager di policlinicanan. Somaly tambe ta hopi activo den e organisacion entre otro ta forma parti di e team di calamidad (HVT), comision pa implementa e standardnan JCI y comision di meld incidente (VIM). Di e manera aki Somaly ta demostra su dedicacion na e desaroyo continuo di HOH.

Na su policlinica Somaly no ta para keto y ta sigura semper cu calidad y siguridad pa pashent ta na prome luga. Su actitud habri y accesibel ta haci cu pashent ta sinti nan mes safe y confortabel pa haci pregunta of comparti preocupacionnan. Mantene conocimiento y actualisa esaki regularmente ta hopi importante pa Somaly cu ta aplica tur cos cu ta e siña



di un forma efectivo den su trabou diario. Por mira esaki bek den su manera di traha unda cu e ta keda semper cu etica y ta bin cu ideanan cu ta pa yega na un solucion cu tin bon resultado sea pe team of pe cuida na pashent.

Pues Somaly ta representa un colega ehemplar cu merece di ta empleado di luna. Su comportacion y profesionalismo tin balor grandi pa HOH. Hunta di Directiva, management y coleganan ta hopi contento di tin Somaly den e team y ta hopi agradecido pa tur e trabou cu e ta eherce. Pabien Somaly cu e reconocimiento bon mereci!



Entrante juni 2026

SETAR ta introduci su One-Page Invoice



ORANJESTAD (AAN): Cuminsando juni 2026, e recibo di SETAR cu due date di 8 di juli 2026 ta conoce un formato nobo di un pagina pa clientenan cu ta ricibi nan recibo na cas. E cambio aki ta aplicabel pa tur cliente. E recibo nobo ta diseña pa duna nos clientenan informacion di e suma di pago den un fomato mas simpel y user-friendly. Clientenan cu ta desea mas informacion detaya di nan cuenta di SETAR por haya esaki via e plataforma di MiSetar.

Via MiSetar, clientenan por:
Wak e especificacion completo di nan recibo.
Revisa e detayenan di pago.
Wak detayenan di yamadan (si esaki ta inclui

den nan pakete).

Ademas, e recibo nobo lo ta disponibel tambe via nos SETAR app, unda clientenan por wak e recibo nobo como tambe recibonan anterior, manera nos clientenan ta gustuma.

Cu e iniciativa aki, SETAR ta sigui modernisa e experiencia di servicio na cliente, encurasha e uzo di servicicionan digital y reduci e uzo di papel y traha mas eficiente.

SETAR su compromiso ta pa continuamente mehora e experiencia di nos clientenan por medio di innovacion y transformacion digital, garantizando cu nos clientenan ta keda conecta y informa di e miho manera, adapta na nan necesidadnan.

Parlamentario di AVP, Jennifer Arends-Reyes:

Fondonan Europeo ta disponibel pa yuda Aruba desaroya diferente proyecto

ORANJESTAD (AAN): Durante un bishita oficial na Parlamento Europeo na Brussels, parlamentario Jennifer Arends-Reyes, presidente di Comision di Relacionnan di Reino y Relacionnan Exterior di Parlamento di Aruba, hunto cu e delegacion di Aruba, a sostene un encuentro constructivo cu europarlamentario Marit Maij y su asesor politico Kenville Kleinmoedig.

E reunion a ofrece un oportunidad importante pa intercambia idea tocante e relacion entre Aruba, Reino Hulandes y Union Europeo, cu enfasis particular riba e posicion special cu Aruba ta ocupa como Pais den Reino y como Overseas Country and Territory (OCT) asocia cu Union Europeo.

Segun Arends-Reyes, Aruba mester sigui busca mas cooperacion, conexon y oportunidadnan concreto cu institucionnan Europeo pa fortalece e desaroyo sostenibel di nos pais.

“Aruba no mester mira Europa solamente como un socio historico, pero tambe

como un socio estrategico cu por contribui na e desaroyo di nos economia, nos capital humano y nos capacidad institucional. Tin oportunidadnan importante cu nos mester sigui explora y probecha,” Arends-Reyes a declara.

Durante e encuentro a discuti diferente instrumento financiero y programa di cooperacion cu Union Europeo ta pone disponibel pa Paisnan y Teritorio Ultramar. Entre e areanan identifica como prioritario pa Aruba ta sostenibilidad, energia renovabel, educacion, innovacion, turismo duradero, digitalisacion y capacitacion di nos hubentud.


Arends-Reyes a enfatisa cu fondonan europeo por desempeña un papel importante den financia proyectonan cu ta fortalece resiliencia di Aruba pa enfrenta retonan actual y futuro.

“EU funds por bira un instrumento valioso pa Aruba. Nos ta papia di inversion den infraestructura resistente contra cambio climatico, maneho di awa, energia renovabel, modernisacion di servicio



publico, formacion tecnico y oportunidadnan pa emprendedoran chikito y mediano. Tur esaki ta contribui directamente na construcion di un Aruba mas fuerte y competitivo,” el a señala.

Segun e lider di fraccion AVP, Aruba tin e potencial pa fortalece su posicion internacional door di sirbi como un brug natural entre Europa, Caribe y Latinoamerica. “Aruba tin hopi potencial, pero pa logra esaki, nos



mester ta proactivo, presenta proyectonan bon prepara y busca alianza cu partnernan strategico den Parlamento Europeo y den otro institucionnan Europeo,” Arends-Reyes a expresa.

E encuentro cu Marit Maij y Kenville Kleinmoedig ta forma parti di e compromiso continuo di e delegacion pa fortalece diplomacia parlamentario y amplia e acceso di Aruba na oportunidadnan internacional. Segun Arends-

Reyes, dialogo directo cu representantenan Europeo ta esencial pa percura cu e necesidadnan, reto y aspiracionnan di Aruba ta keda visibel den e escenario Europeo.

“Si nos kier logra resultado, nos mester ta presente caminda ta tuma decision.

E tipo di encuentro ta habri porta, crea relacionnan y aumenta e posibilidad pa Aruba participa activamente den iniciativanan cu por beneficia nos pueblo,” el a indica. Arends-Reyes a conclui reafirmando cu su meta principal ta pa cooperacion cu Union Europeo produci resultado concreto pa Aruba. “Nos no kier pa cooperacion internacional keda solamente riba papel.

Nos kier mira resultado tangible pa nos comunidad, pa nos emprendedoran, pa nos studiantenan y specialmente pa e siguiente generacionnan di Aruba.

Esaki ta e direccion cu nos mester sigui construi hunto,” Arends-Reyes a conclui.

Centro di Bario Noord ta ricibi bunita donacion di Hilton Hotel pa sostene trabou comunitario

ORANJESTAD (AAN): Diahuebs mainta, Hilton Hotel a entrega un bunita donacion na Centro di Bario Noord cu e meta pa sostene y fortalece e trabou comunitario importante cu e Centro ta realisa diariamente. E iniciativa aki no solamente ta contribui na e ekipa Centro su facilidadnan y recursonan esencial pa mehora e atencion y servicio na comunidad, pero tambe ta confirma e compromiso di Hilton pa sigui inverti den e desaroyo y bienestar di nos comunidad.

E donacion ta bini den un momento special, considerando cu Centro di Bario Noord ta celebra su 55 aniversario, un

milestone importante den su historia di servicio na comunidad. Na mesun momento, Hilton tambe ta conmemora varios aniversario importante, incluyendo 107 aña di hospitalidad funda na aña 1919. E combinacion di e celebracionnan aki a crea e ocasion perfecto pa fortalece e relacion entre e empresa y e comunidad local.

Un factor importante cu a contribui na e decision aki ta e hecho cu aproximadamente un tercer parti di e 525 miembro di e ekipa di Hilton ta biba den area di Noord y Tanki Leendert. Esaki ta pone enfasis riba e conexon directo cu e comunidad y e



deseo sincero di e compania pa “duna bek” na e area unda hopi di nan empleado nan ta biba y traha.

Segun representantenan di Hilton, responsabilidad social corporativo ta un pilar esencial den nan filosofia di negoshi. Nan ta kere firmemente cu empresanan tin un rol importante den sostene y stimula crecimiento social, no solamente door di creacion di empleo, pero tambe door di inversion directo den iniciativanan comunitario. E donacion na Centro di Bario Noord ta un ehempel claro di e vision aki.

Centro di Bario Noord, di su parti, a expresa nan profundo gradicimento pa e gesto generoso.

E apoyo aki lo permiti Centro sigui expande y mehora nan hospitalidad na gruponan social comunitario, cu ta enfoca riba stimula desaroyo spiritual, social, cultural y deportivo di Noord. Door di colaboracionnan manera esaki, e impacto positivo riba e comunidad ta bira mas amplio y duradero.

E gesto di Hilton ta muestra claramente nan compromiso cu responsabilidad social y nan deseo pa contribui ac-

tivamente na crecimiento di Aruba.

Door di sostene organizacionnan local, nan ta yuda fortalece e tehidu social di nos isla y crea oportunidadnan pa un futuro mas fuerte y inclusivo.

Centro di Bario Noord a expresa un danki especial na General Manager, Sr. Jerome Luciani, y Director of Human Resources, Sr. Glenn Farro, pa nan liderazgo y apoyo continuo den haci posible e contribucion aki.

Colaboracion entre sector priva y organisacionnan comunitario ta esencial pa logra desaroyo sostenibel. Iniciativanan manera esaki ta sirbi como un ehempel di con empresanan por hunga un rol activo den mehoracion di calidad di bida pa tur ciudadano.

Cu e donacion aki, Hilton Hotel no solamente ta celebra su propio logro nan, pero tambe ta refuerza su compromiso pa keda un socio confiable y activo den progreso di e comunidad di Noord.



Pronto Balashi Beer Experience lo habri na Gloria

Experiencia e atraccion cultural mas nobo di Aruba, celebrando cerbes Balashi

ORANJESTAD (AAN): E compleho di multi-entretene-mento mas grandi di Aruba, Gloria, ta anuncia cu pronto e atraccion cultural mas nobo di nos isla lo habri su portan- an: Balashi Beer Experience, cu ta programa pa habri den e ultimo kwartaal di e aña aki. Inicialmente a anuncia e proyecto na inicio di aña 2025, awo e experiencia a drenta su fase final di desa- royo cu inicio di e instala- cionnan na e localidad. A cel- ebra e logro emocionante aki cu instalacion di e emblema mas iconico di e atraccion: su tanki gigante di cerbes.



bishitantenan ta pasa den e compleho, creando sinergia cu destinacionnan existente manera The Movies, Star- bucks, PF Chang's y Olive Garden, mientras cu ta forta- lece Gloria como un destino completo pa un dia di salida. Cera conoci cu brewmas- ter Buchi. E isla Caribense Aruba, un tempo yama como "Isla Inútil" door di e Spaño- nan pa "Isla Sin Uzo" — tin un di e historinanan di pro-

duccion di cerbes mas re- marcabel na mundo. Hunto cu master brewer Buchi di Balashi, e bishitantenan ta descubri con Rubianonan a transforma e isla improbabel aki den luga di nacemento di un cerbes excepcional. "E historia di origen di Balashi ta representativo pa cultura di 'One Happy Is- land'. E ta refleha pasion, trabou duro, creatividad y e importancia di famia. Asina cu, mas cu un experiencia tocante un cerbes unico, e ta tambe un experiencia tocante Aruba y su pueblo caluroso y acogedor. Y diferente di otro experiencianan di marca di cerbes, manera Guinness Storehouse of Heineken Ex- perience, e atraccion aki lo ta completamente tematisa," se- gun Victor Schade, Creative Director di Sandenburg Ex- periences. E experiencia *walk-through* ta consisti di 12 escena unico unda e bishitantenan lo topa cu temanan iconico di Aruba manera cas di cunucu, laman

Caribense y Parke Nacional Arikok. Pa duna bida na e his- toria, e atraccion ta combina diferente tecnicanan, incluy- endo contenido audiovisual live-action, proyeccionnan inmersivo, decoracion es- cenografico, efecto special, exhibicionnan interactivo y gameplay. Entrada pa e atrac- cion ta inclui dos Balashi gra- tis. Un colaboracion di clase mundial E proyecto ta un iniciativa di MetaCorp, e compania mas bieu na Aruba, cu un portfo- lio diverso di negoshinan riba nos isla y como tambe afo di Aruba. Pa expande e limite di entretenimento indoor na Aruba, MetaCorp a forma un aliansa cu un grupo di clase mundial di desaroyadonan renombra di atraccionnan in- mersivo bou guia di Sanden- burg Experiences. Markus Konings, CEO di Sandenburg Experiences, a duna di conoce: "Nos a reuni algun di e actornan principal den industria di atraccionnan

pa crea e experiencia di mar- ca unico aki pa Caribe. Nos ta mira cu hopi entusiasmo pa ricibi esnan cu ta bishita nos isla, comunidad local di Aruba y profesionalnan di in- dustria di entretenimento di Central y Latino America pa experimenta esaki personal- mente." Oportunidad pa trabou Cu e proyecto aki, separa for di e proceso di construc- cion, awo ta yega e momento cu mester recluta personal pa por sirbi como guia den e actividad cu lo atrae tanto turista como local. Tur es- nan interesa, por solicita via e paginan di red so- cial di Gloria Aruba. "Nos tin un bon producto, un di e cerbesnan mas preferi di Car- ibe pero nos mester e talento local awo pa por expone na mundo henter, a traves di e *walk-through*. Na final tur Rubiano lo ta mas orguyoso di nos cerbes, cu ta un atrac- cion turistico riba su mes", asina Eddie de Veer, CEO di MetaCorp a expresa.

Stichting Happy Cadushi Nature Reserve cu naturalesa den mente

Prome Minister Eman a ricibi peticion pa designa Matividiri como area di naturalesa protegi

ORANJESTAD (AAN): Dialuna tar- di, Prome Minister mr. Mike Eman como e minister encarga cu proteccion di nos Naturalesa y Medio Ambiente, a ricibi un delegacion di Stichting Happy Cadushi Nature Reserve, kende a presenta un peticion pa declara oficialmente un area di Matividiri como un area di naturalesa protegi. Durante e encuentro, e fun- dacion a entrega un informe actual di diferente flora y fauna den Rooi di Matividi- ri y su entorno, cu ta mus- tra cu e area tin un rikesa natural hopi excepcional. Segun e investigacion mas reciente, Matividiri ta conta actualmente cu 98 especie registra, consistiendo di 59 especie di flora y 39 especie di fauna. E representante- nan di e fundacion a destaca



cu esaki ta pone Matividiri como un di e area cu e mayor diversidad biologico entre e areanan natural cu a yega di inventarisa na Aruba te cu dia di awe. Entre e descu- brimentonan nobo ta varios especie di mata y insecto cu anteriormente no tabata registra den e area. Stichting Happy Cadushi Nature Reserve a un biaha mas urgi cu un peticion cu original- mente a presenta na 2022, ar- gumentando cu Matividiri ta ocupa un posicion strategico den un area ecologico entre Rooi Prikichi y Parke Nacio- nal Arikok. Segun e funda-

cion, proteccion oficial di e area lo contribui significativamente na e esfuersonan pa con- serva biodiversidad y fortalece e areanan natural di Aruba. Durante e reunion, e representantenan tambe a expresa nan aprecio p'e diferente iniciativa cu Gobierno ta im- pulsando pa restaura y pro- tege nos naturalesa, manera e proyectonan di reforestacion na Spaans Lagoen, e berm di Henny Eman Boulevard rond di aeropuerto y e re- cientemente e proyecto di Aima Coa den Parke Nacio- nal Arikok. Prome Minister Eman a gradici e fundacion pa nan dedicacion y compromiso continuo cu conservacion di naturalesa. Esaki ta enfatisa e participacion di nos comuni- dad ta indispensable pa logra un Aruba mas sostenibel y

resiliente. E cooperacion entre Gobi- erno y e organisacionnan am- biental ta importante pa sigui

traha hunto na beneficio di nos naturalesa, medio ambi- ente p'e generacionnan den futuro.





Ronaldo no a anota pero Portugal a gana amistoso contra Nigeria



MERCA: Trempan den e ultimo wega amistoso di Portugal prome cu nan prome wega di Copa Mundial 2026 Cristiano Ronaldo a faya un bon chens pa anota contra Nigeria. Den e resto di wega e no a logra anota, pero na final Portugal a gana Nigeria 2-1. E prome gol di Portugal a wordo anota pa Pedro Neto

den di 23 minuut, pero den di 37 minuut Akor Adams a anota e gol di empate pa e ekipo Africano cu a duna bon bataya. Den di 75 minuut Francisco Conceicao a anota e gol ganador pa Portugal cu ta hunga su prome wega di Mundial dia 17 di Juni contra Congo.

Zuid Africa a haya dos carchi cora y Mexico a gana prome wega di Copa Mundial 2026 2-0



MEXICO: E seleccion di Mexico a cuminsa Copa Mundial 2026 hopi bon na cas, cu un triunfo di 2-0 riba Zuid Africa. Un publico cu hopi ambiente a bira loco ora cu den di 9 minuut caba Julian Quiñones a anota e 1-0. Zuid Africa a purba nan best, pero ora cu den di 49 minuut nan a ricibi un carchi cora, a bira mas dificil ainda pa nan

logra un bon resultado. Den di 67 minuut Raul Jimenez a anota e 2-0 pa sigura e triunfo y cos a bira peor pa e seleccion Africano ora cu den di 84 minuut Themba Zwane a ricibi e di dos carchi pa e ekipo. E proximo wega Mexico lo hunga sin Cesar Montes, pasobra den di 92 minuut el a haya un carchi cora tambe

Inglatera a gana wega amistoso contra Costa Rica 3-0

MERCA: E ultimo wega amistoso di Inglatera a bay basta bon, prome cu nan prome wega di Copa Mundial 2026.

E Inglesnan a domina for di un principio y na final a gana Costa Rica sin mucho problema cu e score di 3-0.

Inglatera tabata tin un posesion di bala di 77% y den di 9 minuut caba Declan Rice a anota e 1-0.

A tarda bastante pa Inglatera anota atrobe, pero e 2-0 a bin den di 68 minuut ora cu Anthony Gordon a



hinca un penalty.

Pa sigura e victoria Ollie Watkins a anota e tercer gol pa Inglatera den di 87 minuut.

Inglatera na hunga su prome wega di Copa Mundial 2026 riba Diaranson 17 di Juni contra Croatia

Tremendo show di apertura pa Copa Mundial 2026: Shakira y Burna Boy presenta 'Dai Dai'

MEXICO: E ceremonia di apertura pa Copa Mundial 2026 ta unico, pasobra e ta uno pa tuma lugar den tres diferente pais.

E prome tabata Diahuebs na Mexico, e di dos y di tres apertura ta bay ta awe na Canada y Merca.

Den Mexico City Stadium (Estadio Azteca) na Mexico City un bunita apertura a tuma lugar cu a inclui Andrea Bocelli, EJAE, David Guetta y Megan Stallion.

Shakira y Burna Boy tambe a haci un tremendo trabao presentando e cancion di Mundial 'Dai Dai', mientras cu Alejandro Fernandez, Belinda, J. Balvin, Lila Downs, Los Angeles Azules, Mana y Tyla tambe a deleita e publico



Hisense 32" HD

SCORE BO DESCUENTO!

AFL269.00

32" SMART LED TV

CUMpra AWO

Avenida Millio Croes 41 ☎ (+297) 280 0222

electro

Accion di Bario a sigui na Rooi Afo y Seroe Preto



ORANJESTAD (AAN): E Accion di Bario cu a tuma lugha diahuebs mainta na Rooi Afo y Seroe Preto a pone enfasis riba limpieza, produccion local y fortalece e balornan di nos comunidad. Durante e accion, Prome Minister mr. Mike Eman a bishita diferente iniciativa y organisacion den e bario pa

conoce di cerca e necesidadnan y e esfuersonan positivo cu ta contribui na bienestar di nos hendenan. E mainta a habri cu un reconocimiento unda Robert Maduro a ricibi un homenahe pa su aporte den nos musica y cultura. Na cas di señora Henrika Boekhoudt Prome minister Mike Eman a duna



Robert Maduro un plakaat memey aplauso di varios colega y su amistadnan. Pa hopi decada caba Robert Maduro ta un bon amigo di cas pa famia Boekhoudt. Sra. Boekhoudt tabata hopi honra pa a brinda su cas como luga pa Robert Maduro ricibi su homenahe y a comparti un rato tambe cu Prome Minister Mike Eman durante e di 12 edicion di Accion di Bario pa 2026.

Un di e resultadonan mas notabel tabata e accion di limpieza coordina pa Serlimar y Bureau City Inspector. Durante e accion a logra colecta hopi sushi. E resultado aki ta confirma e necesidad cu tin den comunidad pa mas facilidad y accion cu ta contribui na mantene nos barionan limpi y miho cuida.

Durante su recorrido, Prome Minister Eman a bishita tambe un agricultor y un productor di honing unda a haya informacion tocante produccion local di patia y e importancia di abehanan pa nos naturalesa. E iniciativa nan aki ta muestra con produccion local di fruta cu berdura y cuido di naturalesa por bay man den man pa fortalece Aruba su resiliencia y sostenibilidad.



Como parti di e accion, Prome Minister a bishita igualmente Fundacion Centro Famia Piedra Plat. Durante e encuentro, el a conoce di cerca e diferente programa cu ta uni nos generacionnan, fortalece famia y promove participacion activo den comunidad. E bishita a inclui un encuentro cu nos grandinan y un recorrido den e facilidadnan di e fundacion.

Accion di Bario ta un manera efectivo pa gobierno mantene contacto directo cu nos hendenan, ta tende di nan preocupacionnan y ta traha hunto riba solucion concreto pa mehora calidad di bida den nos barionan. Esaki ta muestra cu gobierno, comunidad y sector priva por traha hunto pa logra resultado positivo na beneficio di nos pueblo.



Casonan Penal pa wordo trata den Corte di Husticia na Aruba

Casonan di Diabierna 12 Juni 2026



Horario	Sospechoso	Acto Castigabel
8:15 am	A.J.J.R.	Acusado ta bay scucha Hues dun'e sentencia den su caso penal.
9:00 am	O.D.P.	Sospechoso D.P. ta wordo acusa cu el como chauffeur di un vehiculo riba anochi di 27 di December 2025, a comporta su mes di tal manera riba caminda cu el a dal dos peaton cu e vehiculo, a consecuencia di cual un di e personanan aki a fayece. E comportacion tabata encera cu el a stuur bao influencia di alcohol, no a paga tino riba caminda, a core sin luz y a core cu glas getint scur, door di cual el a pasa riba e dos turistanan femenino cu tabata cana riba caminda di Caya Musica, riba e seccion for di Cunucu Abao panort rumbo pa Bubali.
2:00 pm	G-L.M.K.	Sospechoso K. ta wordo acusa di a viola Ley di Droga riba prome di December 2025 pa 30 di Januari 2026.
3:00 pm	L.L.M.	Sospechoso M. ta wordo acusa di kiebri y ladronia riba 31 di Januari 2026.

ORANJESTAD (AAN): For di Ministerio Publico, esaki ta e lista di caso penal cu lo wordo trata riba Diabierna 12 Juni 2026

den Sala di Corte di Husticia na Aruba. E informacion aki a wordo suministra door di Ministerio Publico.



RESULTADO DI SORTEONAN PA CORTESIA DI CADENA ALEXANDER

DIAHUEBS 11 JUNI 2026

DIARIO	KORSOU	GATOCHI	ZODIAC																						
1885 6883 9960	9767 3580 4003	<table border="1" style="width: 100%; border-collapse: collapse;"> <tr> <th>MERDIA</th> <th>ANOCHI</th> </tr> <tr> <td>6105</td> <td>8440</td> </tr> <tr> <td>9361</td> <td>0960</td> </tr> <tr> <td>7276</td> <td>6103</td> </tr> <tr> <th colspan="2">MULTI- X</th> </tr> <tr> <th>FP</th> <th>FP</th> </tr> </table>	MERDIA	ANOCHI	6105	8440	9361	0960	7276	6103	MULTI- X		FP	FP	<table border="1" style="width: 100%; border-collapse: collapse;"> <tr> <th>MERDIA</th> <th>ANOCHI</th> </tr> <tr> <td>7403</td> <td>7403</td> </tr> <tr> <td>ARIES</td> <td>ARIES</td> </tr> <tr> <td>1249</td> <td>1249</td> </tr> <tr> <td>LEO</td> <td>LEO</td> </tr> </table>	MERDIA	ANOCHI	7403	7403	ARIES	ARIES	1249	1249	LEO	LEO
MERDIA	ANOCHI																								
6105	8440																								
9361	0960																								
7276	6103																								
MULTI- X																									
FP	FP																								
MERDIA	ANOCHI																								
7403	7403																								
ARIES	ARIES																								
1249	1249																								
LEO	LEO																								
																									
<table border="1" style="width: 100%; border-collapse: collapse;"> <tr> <th>MERDIA</th> <th>ANOCHI</th> </tr> <tr> <td>4513</td> <td>1721</td> </tr> </table>	MERDIA	ANOCHI	4513	1721	<table border="1" style="width: 100%; border-collapse: collapse;"> <tr> <th>MERDIA</th> <th>ANOCHI</th> </tr> <tr> <td>237</td> <td>110</td> </tr> <tr> <td>X2</td> <td>X2</td> </tr> </table>	MERDIA	ANOCHI	237	110	X2	X2	<table border="1" style="width: 100%; border-collapse: collapse;"> <tr> <th>MERDIA</th> <th>ANOCHI</th> </tr> <tr> <td>2450</td> <td>5319</td> </tr> <tr> <td>X2</td> <td>FP</td> </tr> </table>	MERDIA	ANOCHI	2450	5319	X2	FP	9307						
MERDIA	ANOCHI																								
4513	1721																								
MERDIA	ANOCHI																								
237	110																								
X2	X2																								
MERDIA	ANOCHI																								
2450	5319																								
X2	FP																								
	07-08-19-24-30																								

BUSCA PALABRA

E	I	L	E	S	R	E	T	E	P	P	O
E	A	N	O	S	A	S	I	E	O	R	N
D	A	O	A	R	A	O	S	A	L	O	A
C	O	N	O	F	L	O	K	O	P	M	C
P	O	L	O	O	L	O	T	O	O	E	I
O	N	T	S	P	N	P	O	O	K	N	B
O	T	N	E	M	I	D	N	O	C	T	O
C	N	E	S	R	O	A	E	N	E	O	Y
R	I	T	O	O	P	B	O	E	O	N	I
P	A	J	T	E	K	R	O	N	N	E	N
P	A	P	R	I	K	A	E	D	T	O	E
P	I	P	E	R	E	E	N	P	A	L	L
N	E	N	D	T	E	L	R	A	E	A	O
R	K	T	E	M	P	E	R	A	O	P	N

Condimento Promenton Peterselie	Sasona Peper Preto Paprika	Tempera Adobo Ketjap	Conoflok Ciboyin Salo
---------------------------------------	----------------------------------	----------------------------	-----------------------------

> SUDOKU <

King Classic Sudoku

	9			7				
				9	1			
4			6					5
			3			1	2	
	2							
	7	8						
1					8	5		
		7	5				6	
		6		1		4		

Difficulty: ★★★★★



Hari Un Tiki

Despues di a caba di pone e maletanan di Papa di Roma den e limousine, e chauffeur a ripara cu ainda Papa ta para riba acera.

Papa a bisa cu e tin hopi tempo sin maneha un auto, y cu nunca nan ta lage core na Vaticano. El a suplica e chauffeur pa lag'e bay na stuur di e Limousine.

Ata Papa na stuur, ta primi trot bay goal y a cuminza core 205 km/h. E homber patras ta suplica Papa pa reduci speed.

Poco rato, Polis cu sirena su tras, y asina a stop e Limousine. Ora cu e Polis a cana yega na bentana di chauffeur, el a djis keda mira Papa, y core bay na su patruya pa yama Alto Comisario via radio:

-"Comisario, mi a gara un Limousine coriendo 205 km/h".

Comisario a bis'e pa dune un boet.

-"Comisario... e ta transportando un hende hopi importante. Sigur ta Dios ta sinta den e Limousine, pasobra ta Papa di Roma ta su chauffeur."

Solucion Anterior

6	7	1	8	9	3	5	4	2
9	3	4	7	5	2	8	1	6
5	8	2	4	6	1	9	7	3
1	2	6	3	8	9	4	5	7
8	4	9	6	7	5	3	2	1
3	5	7	1	2	4	6	9	8
2	6	5	9	3	7	1	8	4
4	9	8	2	1	6	7	3	5
7	1	3	5	4	8	2	6	9

Difficulty: ★★★★★



Esaki ta resultado di Lotto di Dia ROLL DOWN

Sorteo # 7207 — Diahuebs 11 Juni 2026

	2	x Jackpot	
	77	x Match 4	
	1791	x AFI. 8,00	



Loke Tempo ta Mostra....

TEMPERATURA AWE MAXIMO 31 °C • MINIMO 27 °C

• Un Ola Tropical debil, ta pasando den e parti mas pariba di Caribe. Aunke e Ola aki, poco-poco ta perdiendo su structura den e fluho di biento, toch e humedad y inestabilidad asocia cu ne lo sigui plama bin direccion pabao y drenta e region di islanan ABC.

Esey nifica cu brevemente lo bay tin mas nubia y chens cu awacero lo cay levemente riba e isla durante di dia.

Mirando e dianan venidero, ta anticipa cu biento lo fortalece y un capa fini di Santo di Sahara lo bira visibel un biaha mas awor cu weekend a yega.

• Pa awe, cielo rond di Aruba lo ta parcialmente, toch cu chens pa un par di awacero pasahero y isola. Tambe biento lo supla tin biaha hopi duro awe Diabierna. Ta pronostica cu riba Diasabra tambe tin algun periodo di biento fuerte.

• Biento ta supla di pariba, modera te basta fuerte entre 20 y 39 km/h. Tin biaha biento ta fuerte den rafaga entre 40 y 50 km/h.

• Lama ta modera rond di Aruba, y awe Diabierna e altura di ola riba lama entre 3 pa 5 pia.


EMERGENCIA NA ARUBA

Diabierna 12 Juni 2026

DOCTER NA WARD SAN NICOLAS: Pa San Nicolas, Docter lo ta na H.A.P. ImSan. Docter tey for di 6'or di anochi te 10'or di anochi. ORANJESTAD: Pa Oranjestad, Docter lo ta na Huisartsenpost H.A.P. na Hospital. Docter tey di 6:30 pm te cu 10:30 pm.	BOTICA NA WARD PARIBA DI BRUG: Botica 4 Centro Medico Bernhardstraat 55 Telefon 584-5794 Telefon: 584-5798 PABAO DI BRUG: Botica Eagle Caya Punta Brabo 17 Telefon 587-9011
--	---



ALMANAC

 Bahada y salida di solo na Aruba	 Lista di Crusero di bishita na Aruba
—Diamars 16 Juni 2026: Adventure of the Seas: (08:00 - 23:00) Grandeur of the Seas: (08:00 - 23:00) Seven Seas Mariner: (10:00 - 21:00)	
—Diaranson 17 Juni 2026: Carnival Vista: (07:00 - 16:00) Allure of the Seas: (08:00 - 23:00)	
—Diamars 23 Juni 2026: Carnival Horizon: (08:00 - 22:00) Grandeur of the Seas: (08:00 - 23:00)	
—Diamars 30 Juni 2026:	



Tel: 583-1190
Anonimo y Confidencial

Fiscal a exige 6 años de prisión y tratamiento mental obligatorio

Awe sentencia ta cay pa homber cu a hinca otro 8 biaha cu cuchio

ORANJESTAD (AA): Diahuebs mainta, Hues ta dicta sentencia pa e homber A.R. (29), acusa di intento di mata e homber v.d.B. riba 12 Augustus 2025. Fiscal ta haya A.R. culpabel di intento di asesinato.

HINCA HOMBER 8 BIAHA CU CUCHIO

Tratamento di e caso a tuma lugar 28 April 2026, caminda e acusado A.R. a admiti di a hinca v.d.B. Hues a puntra pakico A.R. a haci'e. Segun A.R., v.d.B. tabata keda pasa 3 dia dilanti su cas y menaza A.R. cu lo bay tir'e mata. Hues a bisa cu segun relato di Polis, A.R. tabata den un truck di Septic hunto cu su ruman homber y a baha di e truck y hinca v.d.B. cu tabata para na un auto ta papia cu un dama cu tabata den e auto. Segun A.R. e dia ey v.d.B. a zwaai man p'e. Hues a bisa cu e ruman di A.R. a bisa cu A.R. a bis'e pa para e truck y si e no para e lo bula afor.

Segun A.R., e kier a papia cu v.d.B. pa resolve e problema pero v.d.B. a bis'e cu awe bo dia a yega. E momento ey v.d.B. tabata para papia cu e ex amiga di A.R. cu tabata den un auto. Hues a bisa cu tin video di seguridad cu ta muestra kico a sosode. Hues a bisa cu por a mira cu v.d.B. tabata para papia y diripiente ta mira A.R. ta cana liher yega y tabata agresivo. E momento ey v.d.B. a hala atras. Segun A.R., e momento ey cu v.d.B. a hala atras, el a mira v.d.B. a bay cu su man patras manera e ta coy un arma. Hues a bisa cu e no a mira v.d.B., kende tabata lomba sunu, cu un arma. A.R. a bisa Hues, cu el a mira e movicion di v.d.B. y el a saca un cuchio y a ataca v.d.B.

Hues a bisa cu riba e video por a mira cu A.R. a



hinca v.d.B. diferente caminda na su curpa. Hues a remarca cu esaki no ta muestra cu A.R. a bay pa papia e asunto. Hues a puntra A.R., pakico v.d.B. tabata menace. Segun A.R., por ta v.d.B. ta jaloers pasobra e amiga di v.d.B. a bay laga v.d.B. pa tin relacion cu A.R. y despues e amiga a bay bek cu v.d.B. Hues a remarca cu e dama tabata cu v.d.B. y por bien ta cu ta A.R. tabata jaloers. A.R. a admiti cu e tabata un poco jaloers. El a bisa Hues cu ora el a yega, v.d.B. a bis'e cu "awor bo ora a yega". Esey tabata momento cu A.R. a hinc'e.

PLANEA E HINCAMENTO

Hues a bisa cu ta parce cu A.R. a palabra cu e dama pa e ta cu v.d.B. A.R. a para riba cu no tabatin nada planea. Hues a bisa cu si e tabata planea e ora ey ta un caso serio. Hues a puntra A.R., pakico e tabatin un cuchio. A.R. a bisa cu e tabata cu e cuchio pa defende su mes contra v.d.B. Ora el a mira v.d.B. haci movicion, el a saca e cuchio y hinc'e.

APENAS SALI LIBER Y BOLBE HINCA

Hues a bisa cu A.R. tabatin castigo di 10 años de prisión

pa intento di mata. E tabata mas cu 6 años sera y a haya libertad condicional. E tabata mas o menos 2 siman pafor di KIA y ta bolbe hinca hende cu cuchio. Hues ta haya esaki hopi serio. El a puntra A.R. si el a pensa kico e tabata haci. Segun A.R. e no a pensa. A.R. a bisa Hues cu e ta lamenta loke el a haci.

Segun A.R. for tempo cu e tabata sera e tin problema cu v.d.B. door di e ex amiga.

PROBLEMA MENTAL SERIO

Hues a bisa cu door di e situacion, a pidi psiquiatra y psicologo pa evalua A.R. Nan raport ta bisa cu A.R. tin problema mental y ta sufri di paranoid. Segun e raport di e dos expertonan, A.R. ta sinti su mes hopi biaha amenaza y no tin e capacidad di pensa kico e ta haci. Door di esey nan ta conclui cu A.R. ta menos responsabel pa su actonan. Tambe e expertonan a muestra cu A.R. ta usa droga. E expertonan ta muestra cu e chens di ripiti algo asina ta hopi grandi. Nan ta conseha pa A.R. haya tratamiento no sera den un instituto. Na Aruba no tin posibilidad pa haya tratamiento den un instituto. Pa bay Hulanda

e ta bira dificil door di cu A.R. no ta compronde Hulandes. E expertonan ta haya cu e tratamento den forma liber lo mester bay den cooperacion cu Reclasing y Respaldo caminda A.R. ta wordo obliga pa haya tratamiento.

Hues a puntra A.R. si e ta usando droga ainda. A.R. a bisa cu ora el a sali for di KIA e tabata usa marihuana so. Hues a puntr'e si e no ta haya marihuana un problema. A.R. a bisa cu e no ta haya marihuana un problema.

FISCAL

Fiscal a bisa Hues cu 14 dia despues cu A.R. a sali for di KIA, el a bolbe hinca hende. El a haya libertad condicional pa un condena di 10 años de prisión pa intento di mata.

Fiscal a bisa cu dia 12 Augustus 2025, A.R. a bay riba v.d.B. kende tabata papia cu e ex amiga di A.R. El a bisa v.d.B., "mi a bisa bo cu mi ta bin pa bo" y a hinca v.d.B. 8 biaha entre otro na cabez y schouder. Despues di a hinca v.d.B., el a bay bek den e truck. Fiscal a sigui bisa cu segun A.R., v.d.B. tabata pasa dilanti cas y zwaai man y e tabata considera esaki como menaza.

INTENTO DI ASESINATO

Fiscal a muestra cu riba camera di seguridad por a mira con A.R. a bay riba v.d.B. y tras di e auto nan a bringa y cay abao. Despues nan a lanta. Segun Fiscal, no por a mira si v.d.B. lo a haci movicion di saca un arma manera A.R. ta bisa. Fiscal ta haya cu A.R. no por papia di lo a actua den defensa propio. Fiscal ta haya cu A.R. a cana bay agresivo riba v.d.B. y ta considera esaki un intento di mata. El a muestra cu ocho biaha A.R. a hinca v.d.B. cu e cuchio. Raport medico ta muestra cu a perfora un pulmon cu a klap. Fiscal ta haya cu A.R. a actua premedita. El a muestra cu A.R. tabata manda mensahe na v.d.B. y tambe na su ex amiga cu v.d.B. lo no scapa. Fiscal ta considera esaki un intento di asesinato. Fiscal a remarca cu e castigo di 10 años de prisión no a trece cambio den A.R. pa stop di haci algo asina. E raport di psiquiatra y psicologo ta muestra cu e riesgo ta grandi cu A.R. lo haci algo asina atrobe. Fiscal a muestra cu segun e raport di Reclasing, A.R. cu su 10 años e tabata usa marihuana. Despues tabata usa cocaina tambe y bebe alcohol. Psiquiatra y psicologo ta haya cu A.R. mester di tratamento pasobra e ta menos responsabel pa su actonan. E pregunta ta si por duna castigo maximo y haya tratamiento obligatorio. Fiscal a bisa cu teniendo cuenta cu e interes di tratamento, el a exige 6 años de prisión y cu e condicion cu A.R. mester haya tratamiento obligatorio (TBS).

DIARIO lo informa lectornan kico Hues su decision ta.

DEPORTE INTERNACIONAL

Knicks a bin bek pa gana despues di ta perdi pa 29 punto



NEW YORK: Nunca antes den historia di e final di NBA un ekipo a bin bek despues di ta perdi pa asina tanto.

Diaranson anochi San Antonio Spurs tabata bayendo na caminda pa empata ne serie final 2-2, na dado momento cu un venta di 29 punto riba New York Knicks.

Increiblemente apesar di ta perdi pa 27 punto na halftime, Knicks a bin bek pa gana e wega 107-106, pa tuma un ventaha di 3-1 den e final.

Spurs laat tabata tin chens pa gana, pero Victor Wembanyama a faya 2 tiro liber na momento cu Spurs tabata ganado 104-103.

De'Aaron Fox tambe a faya pa San Antonio ora cu faltando 10 seconde el a haya e bala bayendo

den direccion di e rim y en bes di tene e bala y mata tempo pa nan comete un falta riba dje, el a purba di anota y a perde e bala.

Esey a duna New York e oportunidad pa nan gana.

Faltando algun seconde Jalen Brunson a los un tiro di leu, e bala a dal e rim y faltando 1.2 seconde OG Anunoby a mishi cu e bala pa anota y duna Knicks un ventaha cu nan lo wanta.

Maximo anotador pa New York tabata Brunson cu 36 punto, 5 rebounds y 7 asistencia, mientras cu Anunoby a contribui cu 33 punto.

Di otro banda e maximo anotador pa Spurs tabata Wembanyama cu 24 punto y 13 rebounds, mientras cu Fox a contribui cu 18 punto, 5 rebounds y 7 asistencia.

Feyenoord kier firma hungador di medio campo di Nice Charles Vanhoutte

ROTTERDAM: E hungador Belga Charles Vanhoutte posiblemente ta bira e prome esfuerso di e director tecnico nobo di Feyenoord, Devy Rigaux.

E ekipo di Rotterdam mientrastanto a haci un oferta riba e hungador di 27 aña di OGC Nice.

Vanhoutte a cuminsa su carera cerca Cercle Brugge na Belgica, despues di cual el a hunga tambe pa Tubize y Union St. Gillis.

Aña pasa el a wordo firma pa Nice, cu cual net net el a scapa di degrada.

E Belga ta interesa pa hunga pa Feyenoord, cu cual e lo ta den Champi-



ons League.

Vanhoutte mester bira e number 6 nobo di Feyenoord y pa traha espacio pa e hungador di medio campo controlador, e club ta dispuesto pa bende Hwang In-beom y Jakub Moder.

Tigers Skubal ta bay ta bek riba monticulo Diasabra



DETROIT: Pitcher surdo di Detroit Tigers Tarik Skubal ta bay ta bek riba monticulo Diasabra, pa e wega contra Cleveland Guardians, manager A.J Hinch a anuncia Diahuebs, segun Jason Beck di MLB.com.

“Nos ta bay tin e mihor pitcher di baseball bek den nos ekipo”, Hinch a bisa.

“Ta dificil pa expresa cuanto esaki ta bay yuda nos”, segun e manager.

Skubal no a tira mas den Major League desde 29 di April, despues di haci un operacion na su elleboog.

Un procedura nobo a pone cu e pitcher ta bay ta bek mas trempa cu locual a wordo verwacht.

E ganador di dos premio Cy Young consecutivo e temporada aki tin un record di 3-2 y un ERA di 2.70, cu un average di 9.3 ponche pa cada 9 inning tira.

Bayern a ofrece PSV mas cu 50 miyon euro pa Ismael Saibari



ALEMANIA: Ta ainda tur cos ta indica cu Ismael Saibari e luna aki mes lo firma cu Bayern Munich.

E top club Aleman mientrastanto a haci un oferta na PSV di mas cu 50 miyon euro y e clubnan tin dianan ta negocia cu otro caba riba esaki.

Si Saibari bay Bayern, ta bay ta pues pa un suma record pa e club di Eindhoven.

Ta wordo verwacht cu ora cu yega na un acuerdo, e suma paga na PSV ta bay ta bastante mas cu e 50 miyon euro ofreci caba.

PSV ta desea di wordo compensa hopi bon, mirando cu Saibari a demostra cu na tur nivel e ta hunga bon y sigur den cualkier ekipo internacional di top nivel.

En total el a bira campeon di Eredivisie 3 biaha.



Noticianan for di Hulanda

Tristes na scol basico na Zeeland despues di accidente fatal



ZEELAND: Diahuebs atardi dos mucha a muri den un accidente tragico na Vogelwaard. E dos muchanan tabata alumnonan di scol basico De Warande den e pueblo Axel den Zeeland.

Un adulto tambe a perde su bida den e accidente. E tabata empleado di e scol. Esaki presidente di e organizacion di scol Elevatio Sjoerd Sanderse a confirma. E tabata hopi tristo. “No tin palabranan pa esaki”.

Muchanan cu perde nan bida semper ta un drama grandi y mas ainda na caminda pa un camp di scol, locual mester tabata un fiesta grandi, segun Sanderse.

Agente policial cu a mata hoben di 15 aña lo no wordo persigui: OM ta haya cu e tiramento tabata legal



HULANDA: E agente policial cu aña pasa Septemebr a tira un mucha homber di 15 aña mata despues cu el a horta un fat bike na Capelle aan den IJssel, no ta bay wordo persigui. Esaki Ministerio Publico a duna di conoce Diahuebs. Segun OM a agente policial hustamente a haci uso di su arma di candela, manera e instruccion di trabao pa polis ta describi esaki den e ley di Polis. Jerryson di Gouda di 15 aña a wordo alcanza pa 2 bala riba 21 di September di 2025, despues di cual el a fayece. Esaki a sosode na un establecimiento di McDonald's den Hoofdweg na Capelle aan den IJssel.

Agentenan a bay atende cu un melding di hortamento di un fat bike den e area, den cual e muchanan homber cu a horta e fat bike lo a haci uso di un arma di candela. Un di e sospechosonan, esun cu segun e melding lo a uza un arma di candela a score subi e teras di e McDonald's. E agente prome a los dos tiro di advertencia, despues di cual el a apunta su arma di candela riba e pianan y riba e curpa di e sospechoso. Jerryson a wordo reanima, pero el a fayece na e sitio. Riba e victima a haya un pistol di gas cu a wordo adapta.

Pa prome biaha den 20 aña tin menos estudiante internacional na Hulanda



HULANDA: Pa prome biaha desde 2006 e cantidad di estudiante na Hulanda den enseñansa avansa a baha. Apesar di e hecho cu e bahada ta tiki, e sector ta papia di un cambio di direccion historico. Parce cu e ta un consecuencia directo di presion politico y universalidadnan cu riba na mes a tuma medida.

Pa 20 aña largo e fluho di estudiante internacional a sigui aumenta, te cu awor. E aña colegial aki tin 129.764 estudiante internacional inscribi pa un opleiding completo na Hulanda, cu ta 133 menos cu aña pasa Nuffic a constata. Nuffic ta un organizacion cu ta haci esfuerzonan pa internacionalizacion den enseñansa.

Criminal Hulandes a cay den trampa di Interpol na Colombia



COLOMBIA: Un traficante Hulandes di droga na Colombia a cay den un trampa poni pe pa Interpol, despues di cual el a wordo deteni pa agentenan arma di Interpol. E homber, cu internacionalmente tabata wordo busca pa traficacion di droga y labamento di placa, a wordo sorprendi den e lobby di su hotel. “Nan ta kere cu nan por sconde aki na Medellin, pero nos ta haya

nan”, segun e Alcalde. Riba e grabacion di e detencion por wak con e Hulandes sin sospecha algo tabata papia cu un homber desconoci den e lobby di hotel. E tranquilidad a wordo stroba ora cu diferente agente di Interpol y servicio di imigracion di Colombia cu arma saca a dreña pa detene e persona. Segun e corant Colombiano El Espectador ta trata di Belfor R.

Noticia Internacional

Trump a cancela atakenan planea contra Iran y a anuncia un acuerdo negocia cu apoyo di varios pais



Presidente di Merca Donald Trump a anuncia diahuebs e cancelacion di atakenan y bombardeonan planea contra Iran e anochi ey, sigurando cu e negociacionnan cu Republica Islamico a progresa pa un acuerdo preliminar apoya pa e actornan principal envolvi den e crisis regional. Den un mensahe publica riba Truth Social, Trump a informa cu el a tuma e decision despues cu e comb-

ersacionnan cu funcionari-
onan halto di Iran y a ricibi
nan aprobacion.

“A base di e hecho cu e discusionnan cu e Republica Islamico di Iran a wordo hiba na e nivel mas halto di liderazgo Irani y aproba, ami, como Presidente di Merca, a cancela e atakenan y bombardeonan planea contra Iran,” e presidente a skirbi.

Algun ora despues di a anuncia e cancelacion di

e bombardeonan planea contra Iran, Trump a sigura for di Oficina Oval cu e negociacionnan ta bayendo den direccion di un conclusion inminente y a declara cu e entendimiento ta den su fase final.

“Nos a cera un gran acuerdo,” e mandatario a declara, prome cu el a señala cu e formalisacion por tuma luga “den e siguiente dlanan.” El a splica cu e documentonan ta den un fase “basta final” y e firmamento lo por tuma luga durante fin di siman, posiblemente na Europa, cu participacion di vicepresidente JD Vance.

Trump tambe a vincula e futuro di e Strait of Hormuz na e resultado di e combersacionnan y a sostene cu e via di awa strategico “lo wordo habri asina cu nos firma” e acuerdo.

Un muhe ta wordo acusa di a desvia \$34 miyon na ayudo di COVID-19

**Ta riba e lista di fugitivanan mas busca di FBI*



FBI a agrega e residente di Miami, Elaine Angene Escocoe na su lista nobo di “Fraudsternan Mas Busca” despues di a acus’e di a lidera un eskema di fraude cu a malversa mas cu \$34 miyon den fondonan federal di alivio di COVID-19. E caso ta afecta instancianan y contribuyentenan den henter Merca y a genera un alerta nacional debi na e magnitud di e malversacion. E investigacion a intensifica despues cu e acusadonan no a presenta den Corte na juni 2025. Segun informacion oficial di e Oficina Federal di Investigacion (FBI) y informenan di CBS12 y e Miami Herald, Elaine Angene Escocoe di 41 aña ta enfrente acusacionnan federal relaciona cu fraude y labamentu di placa. Autoridadnan federal a bin ta buscando e desde su desaparicion den e condado di Palm Beach y a ofrece un recompensa di te cu \$150,000 pa informacion cu por conduci na su aresto.

E caso ta parti di un serie di investigacion riba fraude cu ta envolvi fondonan publico implementa durante e pandemia. E Departamento di Husticia a identifica mas cu 3.200 acusadonan nacional acusa di crimennan similar, cu Sur Florida ta un di e regionnan mas afecta. Elaine Angene Escocoe, un ciudadano naci na Jamaica

cu ta biba na Miami, tambe conoci pa e aliasnan “Annie” y “Annie Palmer,” a wordo mira pa ultimo biaha dia 3 di juni 2025, den e condado di Palm Beach, segun informenan di FBI. Documentonan di Corte ta indica cu e mester a presenta den e Corte di Distrito Sur di Florida dia 5 di juni di e aña ey, pero e no a presenta y a keda den libertad.

E orden di aresto federal a wordo emiti dia 22 di mei 2025. E inclusion di Escocoe riba e lista nobo di “Most Wanted Fraud Fugitives” a wordo anuncia dia 4 di juni 2026, pa Director di FBI, Kash Patel, como parti di un strategia pa expone y captura fugitivanan responsabel pa crimennan financiero cu hopi impacto.

E eskema atribui na Escocoe y otronan a encera e entrega di por lo menos 90 aplicacion fraudulento na programanan grandi di alivio economico federal di COVID-19 entre mei 2020 y november 2021, segun informenan di Miami Herald. E programanan afecta a inclui e Programa di Proteccion di Pago (PPP), e Prestamonan di Calamidad Economico (EIDL), e Fondo di Revitalisacion di Restaurant (RRF), y e Subsidio di Operadornan di Lugarnan VSera (SVOG).

Macron ta enfatisa na Hungria e importancia di reanuda e proceso di adhesion di Ukraine na Union Europeo

PARIS: Presidente frances Emmanuel Macron a enfatisa na e Prome Minister nobo di Hungria, Peter Magyar, e importancia di reanuda e proceso di adhesion di Ukraine na UE y di “sigui pone presion riba e mashin di guerra Ruso.”

For di e Palacio di Elysee na Paris, e sucesor di e euroseptico Viktor Orban simplemente a declara cu nan lo ta “partnernan constructivo” den UE, sin elabora riba e guerra na Ukraine of e proceso di adhesion di Kyiv.

Magyar a establece como un pre-requisito pa reanuda e negociacionnan aki un acuerdo cu presidente di Ukraine, Volodymyr Zelensky tocante



respeto e derechonan cultural di e calcula 100.000 hungaronan cu ta biba na Ukraine.

E lider Hungaro ya a aclarar cu, bao di su gobierno, e posicion fundamental di e gobierno anterior di Orban lo no wordo cambia, pues e idea ta pa no manda soldad of arma den apoyo di Ukraine.

Macron a defende pa e negociacionnan di adhesion aki wordo conduci “a base di merito” y, a pesar di desacuertonan riba Ukraine, a probecha di e oportunidad pa un biaha mas yama bonbini na e eleccion di e prome minister hungaro nobo, pasobra “un era nobo ta saliendo na Europa.”

Noticia Internacional

Trump a pone duda riba e continuacion di USMCA: “Merca no mester di nada di Mexico of Canada”

WASHINGTON: Merca no por renoba automaticamente e Acuerdo Merca-Mexico-Canada (USMCA). Esaki tabata e posicion tuma diaranson pa presidente Donald Trump, kende a cuestiona e valor di e acuerdo pa economia di Merca y a argumenta cu Washington no ta depende di e bienes of recursonan cu e ta ricibi di su dos bisiñanan Norte Americano. Durante un evento den e Oficina Oval, e mandatario a wordo puntra riba e proceso di revision programa pa e aña aki y a contesta eskeptico pa loke ta trata un prolongacion automatico di e acuerdo. “Mi no sa si mi ta bay renob’e pasobra, pa ta honesto, Merca ta haciendo hopi miho,” el a declara.

Trump a bolbe enfoca su critica riba e defisitnan comercial cu su pais ta mantene cu partnernan



stranhero y a afirma cu e relacion economico cu Mexico y Canada mester ta mas faborabel pa Washington.

“Nos tin deficitnan comercial cu Mexico y Canada. Nos mester tin surplus cu nan,” el a declara.

E mandatario a bay mas leu, argumentando cu e economia Mericano no ta depende di productonan di e mercadonan ey.

“Nos no mester di nada cu Canada tin, nos no mester di nada cu Mexico tin, pero nan mester di tur loke nos tin,” el a bisa. Den e mesun discurso, el a agrega, “Nos no mester di nan auto. Nos

no mester di nan palo. Nos no mester di nan energia. Nos no mester di nada cu nan tin.”

E declaracionnan ta bin na un momento crucial pa futuro di e acuerdo comercial cu ta goberna gran parti di e intercambio economico Norte Americano. E USMCA, cu a drenta na vigor na 2020 durante e prome periodo di Trump, a reemplaza e Acuerdo di Comercio Liber di Norte America (NAFTA) y a incorpora un mecanismo di revision obligatorio seis aña despues di su implementacion.

Ecuador: Alerta riba anuncionan fraudulento cu ta ofrece te cu 9.000 dollar den supuesto inversionnan



Banco Central di Ecuador (BCE) a emiti un alerta publico relaciona cu e circulacion di propaganda falso riba medionan social y plataforman digital cu ta uza nomber y imagen di e institucion incorrecto pa promove supuesto inversionnan capaz di genera ganashi di te cu USD 9.000 den un tempo cortico.

E advertencia a wordo difundi a traves di e canalnan oficial di e agencia, aclarando cu e no ta ofrece productonan di inversion na publico ni tampoco e ta endosa plataforman priva cu ta priminti rendimentonan halto cu riesgo abou. ECB a urgi ciudada-

nonan pa verifica cualkier informacion financiero solamente a traves di nan canalnan oficial y pa ta cauteloso riba ofertanan cu ta garantisa ganashi extraordinario.

“Nos ta alerta e publico tocante e circulacion di publicacionnan fraudulento cu ta haci mal uso di e nomber di Banco Central di Ecuador pa promove oportunidadnan di inversion falso,” e entidad a declara.

E institucion a recomenda pa ciudadanonan no duna informacion bancario, number di tarheta, password of documentonan personal na websitenan no verifica.

Papa ta defende un sistema di cuido di salud cu ta inclui salud mental entre su prioridadnan

BARCELONA: Papa Leo XIV a defende diamars pa un sistema di cuido di salud cu ta priorisa salud mental, “e malestar invisibel y generalisa aki, cu tambe ta afecta hobennan,” como contesta riba un pregunta di un dama jong cu a sufrí di depresion severo, durante e vigilia cu a tuma luga na Stadion Olimpico di Barcelona.

Papa, cu desde su yegada na Barcelona a alterna entre Catalan y Spaño den su discursonan publico, a responde na e testimonio di Carmina, un maestro di scol secundario cu tabata lucha cu depresion.

“Tin biaha, e dolor aki ta asina abrumador cu e idea

di desaparece ta parece e unico salida. Mi mes a lucha pa supera e malesa aki, silenciosamente pa añanan, y un diabierna anochi mi a perde e bataya y a purba di kita mi mes bida,” el a bisa Papa.

“Prome cu tur cos, danki pa comparti bo experiencia di sufrimento. Mi ta conmovi cu bo por papia di dje, cu bo ta aki meymey di nos, y cu bo a haya e forsa pa brasa e di dos chens aki cu Señor a duna bo,” e Tata Santo a contesta.

Y relaciona cu e “malesa silencioso” cu ta depresion, Leo XIV a observa cu “ta importante pa bira consciente di con salud mental ta ser menasa mas

y mas den e contexto di sociedadnan cu ta considera nan mes avansa.”

“E ta un señal cu tin algo profundamente robes cu un cierto idea di crecemento cu ta somete hende na presionnan, expectativanan y tensionnan cu ta compromete balansanan fundamental. Ta p’esey nos mester di un sistema di cuido di salud cu ta inclui entre su prioridadnan e malestar invisibel y generalisa aki, cu tambe ta afecta hobennan,” tabata e apelacion di Papa.

Papa a sugeri pa nan hala mas cerca di Dios den e momentonan ey. “Den tempo di dolor, por lo menos mas leu posibel, nos



mester habri nos mes pa un hende cu por yuda nos expresa un oracion simpel, cu por compania nos discretamente sin core pa splica nos dolor, cu por tene nos na man y hiba nos for di e grito ey.”

Sinembargo, el a manda tambe un mensahe pa creyentenan urgiendo nan “pa no spiritualisa sufrimento,” “atribuyendo esaki superficialmente na e

boluntad di Dios of algun plan misterioso di dje, pasobra esaki ta core riesgo di minimalisa e sufrimento aki, silenci’e y herida hende.”

“Dios no kier sufrimento, e ta hib’e cu nos y ta invita nos pa confia den Dje. Laga nos corda loke Papa Francisco a bisa: cu Dios, bida semper ta renace,” Papa Leo XIV a afirma.

**Pa chica Pos - Habri tuberia y wc.
Servicio lihe y confiabel.**

Experiencia ta manda

CICLONE

Septic Tank Service

Tel: 564-0607 / 734-0607

**TA FURA
ELMA UPHOLSTERY**

Matras, box busca mainta y
hay e atardi! Set di sala, tv
chair, sienta auto.

Tel: 565-5577

Macapruimstraat # 1L

BO TA BENDE CAS OF TERENO?

E oportunidad aki bo
no por perde.

CONSEJO GRATIS.

Yama pa un cita 297-730-0077.

PROMASTER

Pa laba tapijt, sofa,
tur matras.

99% desinfecta.

Tel: 582-0383 / 593-3538

Leslie Maduro

DIRECTV

Mundial futbol a yega!

Yama awo pa

esun di bo. Bon prijs,
bon servicio.

Cell: 733-5762

TA FURA

Stoel di cas, auto
boto y oficina.

Tel: 561-2941

TA BUSCA

Part-time Car Washer

na Bubali.

Cell: 594-7978.

**SUSHI
DEN CURA?**

Nos ta lante lage limpi limpi
mane un soño.

Yama pa un calculashon na
592-5766 of 561-4297
Arubiano Trahado.

Mercado Reparacion y Servicio

Nos ta drecha

Wasmachine, Frigidaire,
Cooler, Dryer, Stoof, Forno.
Tur tipo di split-unit y window.

ALEX MERCADO! Any time

Cell: 567-0580



**ARUBAN SEWER
CLEANING
AND MORE**

Tel: 7463132

DIARIO

Pa noticia, cumpleaños,
comentario, redaccion:
noticia@diario.aw

Tel: 582-6747

Pintor Claude Wever a presenta su expo "Memorianan Subconsciente" na Biblioteca Nacional



ORANJESTAD (AAN) -- "Sub-conscious Memories" (Memorianan Subconsciente) ta un exposicion presenta, recientemente, un anochi, na Biblioteca Nacional, door di e pintor Arubiano Claude Wever, na Biblioteca Nacional. Claude Wever, a conta den un entrevista cu DIARIO, cu el a nace na Seroe Colorado, na aña 1954. Ademá di pintor e ta escultor y diarazon siman pasa, el a presenta un exposicion cu yama "Memorianan Subconsciente". "Memorianan Subconsciente ta bay asina aki, cu mi a bishita bastante lugar, y den e lugarnan

aki mi a zorg pa haya experiencia, anto den fondo di mi memorianan mi a wanta nan.

Anto saliendo for di e fondo di mi memoria awo, mi a purba trece, anto pon'e riba canvas p'e haya un bida nobo. Asina pa e publico sa cu su memorianan subconscious ta algo cu consecucionan cu ta yuda e ser humano bay leu cu e yega di experiencia un lugar cu el a wak den television, riba facebook, den plachi, unda cu ta, pero ora e bin na cierto momento cu e mira den realidad, e ta confronta cu e tabata tey un tempo, mi a wak esey un tempo. Esey ta pone cu crea un arte no ta, traha cosnan bunita so; crea arte ta crea un sistema cu t'asina fuerte, cu e ta manifesta su mes cu e publico y esnan cu ta amante di arte ta bay enamora y aglomera y his'e mas halto den nan perspectiva", Claude Wever a splica.

AIRCO REPAIR SERVICE

Cooler, refrigerador,
ice maker, wasmachine, dryer,
freezer, stove, forno, walk-in
cooler, walk-in freezer. Tel:
747-7987 / 749-4232 anytime.



Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

Gradicimento/invitashon

Sobrina(o)nan y famia completo ta gradici tur
persona cu a asisti na acto di
despedida di nos ser stima:

Segundo Dania

Un palabra di danki na su
huisarts, specialistanan,
asistentenan, personal di
Eerste Hulp, personal di piso
3 y 4 di hospital, Fundacion
Paraiso y na Aurora Funeral Home. Un danki di
curason na su amiga/ayudante Sra. vda. Mena
Alders-Croes.



Alaves nos ta invita pa asisti na 3 Santo
Sacrificio di misa cual lo tuma lugar na Misa
Inmaculada Concepcion na Sta Cruz riba:
Diabierna 12 juni 2026 pa 7:00 di anochi
Diasabra 13 juni 2026 pa 7:00 di anochi
Diadomingo 14 juni 2026 pa 8:00 di mainta.



Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

"Na porta di su cas bo tata ta warda-bo, su
mannan hanch' abri ansioso pa brasa-bo"

Cu inmenso dolor na nos curazon y agradecido
pa e amor cu semper ela demostra y brinda nos,
pero conforme cu boluntad di Dios nos ta
anuncia fayecimento di nos kerida mama, wela,
bisa wela, ruman, tanta y suegra stima:

Theresita Croes-Kelly

*03-12-1933 †07-06-2026

Mihor conoci como "Chita, Mama, Oma, Grote
Oma, Tanta Chita"



Mayornan:

† Ricaldus (Kai) y † Anna Helena Kelly-Ruiz

Espos:

† Arturo (Tuyo) Croes

Yiunan:

Mildred y Arcadio Figaroa-Croes

Ligia Croes

Aleta y † Johannes (Hans) van der Horn-Croes

Suzie Croes

Nieto (a)nan:

Sharitza Figaroa y Inaira Feliciano

Maurice Figaroa y Nagwa Lopez

Sandra Croes y Farid Posner

Arthur Croes y Sharicia Hasham

Jacqueline van der Horn y Fraiseil Cyntje

Yavin Croes y Laxmi Jawalapersad

Bisanieta (a)nan:

Micheal-Shawn Figaroa

Mandy Gomez

Alishanee Croes na Hulanda

Maurice Figaroa

Halo Jay Posner

Beau Jax Posner

Rumannan:

† Pedrito y † Jacinta Kelly-Boekhoudt

† Flora y † Marciano (Chai) Kelly-Croes

Joseph (Cheppy) y † Maria Kelly-Tromp

Ceferino (Pin) y Carmen Kelly-Bustillos

Leon (Jon) y † Helena Kelly-Tromp

Filomena (Mena) y Jozef (Cheppy) Kelly-Kelly

Swa- & cuñanan

† Dora y † Angel Francisco Croes-Croes

† Aida y † Benito Erasmus-Croes

† Eloy Croes

† Elsa y † Isidro (Chido) Croes

Subrino(a)nan:

Prisco & † Evelyn Kelly-de Freitas y famia

Carina & Robert Henriquez-Kelly y famia

Albert & Marilyn Kelly-Candelario y famia

Ronny & † Jenny Kelly-Dubero y famia

Mariela Kelly y famia

Erwin Croes

Franklin Croes

Stella Croes

Evelyn Croes y famia

Evelina Kelly y famia

Beatrix (Ina) Kelly y Tico Danies

Gregory & Paola Andrea Kelly-Neira Londoño y famia

Gilbert & Susan Kelly-Kerpens y famia

Jean Pierre Kelly y famia

Emmanuel (Lito) & Jazmira Kelly-Tromp y famia

Adrian (Tony) & Shannon Kelly-Lopez Penha y famia

Jeanette Kelly y famia

Yvonne & Edwin Tromp-Croes

Henky & Mayra Croes-Everon y famia

Sony & Ivis Croes-Kelboom y famia

Aureen & Roly Werleman-Croes y famia

Wimpy & Marlene Croes-Wester y famia

Miriam & Giovanni Alders-Croes y famia

Alex & Angela Croes-Quiceno y famia

Yvette & Raymond (Monty) Croes-Croes y famia

Susette Croes & Mirouska de Cuba y famia

Elton Croes

† Vilma Croes y famia

Sandra Croes y famia

Humphrey Croes y famia

Marion Croes & Rofelix Vargas y famia

Mama di su bisanietanan:

Melissa Gomez

Natacha Buera y Famia

Bon bisinja:

Maria Werleman y famia

Jane Oduber

Suegronan:

† Balbino y † Dora Figaroa-Mathilda y famia

† Jacobus y † Anna Marie van der Horn-Scheeres y famia

Ihanan: Aureen Werleman-Croes y Prisco Kelly

Primo y Primanan, conocirnan y amistadnan di cas.

Demas Famia: Croes, Kelly, Ruiz, Figaroa, van der Horn, Feliciano, Lopez, Posner,

Hasham, Cyntje, Jawalapersad, Boekhoudt, Tromp, Bustillos, Henriquez, Werleman,

Gomez, Buera, Semeleer, Flanegin, Flanegin, Jansen, de Cuba, Vrolijk, Britten

Ta invita pa compana nos na e acto di entierro cu lo tuma lugar Diasabra 13 di

juni 2026, for di 2or pa 4or na Misa Santa Anna na Noord y despues pa

Santana Catolico na Paradera.

Enbes di flor of krans por hasi un donacion na misa Santa Anna, lo tin un box

disponible na Misa pa donacion na Misa Santa Anna.

Nos kier a pidi nos disculpa si nos por a lubida un of otro famia.



UPCOMING MATCHES
JUNE 12-17

MORE INFORMATION
THEMOVIESARUBA.com



Parokia Birgen di Fatima Dakota Santo Sacrificio di Misa celebrando Sagrado Curason di Hesus y Inmaculada Curason di Mama Maria



ORANJESTAD (AAN): Den nomber di Rev. Pastoor Jozef Pelc y Rev. Pader Michael Nicolaas, di Parokia Birgen di Fatima Dakota, ta invita tur parokiano di Dakota y henter e pueblo di Aruba, pa asisti na un Santo Sacrificio di misa solem diabierna 12 di juni 2026 pa 7'or di anochi na honor di e Sagrado Curason di Hesus.

Pa 6'or y 15 ta reza e Santo Rosario. Diasabra, 13 di juni 2026, celebracion di un Santo Sacrificio di Misa solem na honor di e Inmaculada Curason di Mama Maria pa 8'or di mainta na misa Birgen di Fatima Dakota. 7'y 15 ta reza e Santo Rosario. E Santo Sacrificio di Misa di 7'or di anochi ta sigui manera custumber.


Aruba Bank ta invita comunidad pa disfruta di weganan di Mundial na The Movies Gloria IMAX

ORANJESTAD: Aruba Bank ta trece un 'Experiencia Deportivo Superior' pa fanaticonan cu un serie di "watch parties" gratis di "FIFA World Cup" na "The Movies Gloria IMAX".

Nos comunidad ta invita pa reuni cu otro fanaticonan, disfruta di e emocion riba pantaya grandi, y biba e accion di futbol mundial completamente gratis. Lugarnan ta limita, pesey registra ta necesario pa segura bo asiento.

Weganan cu ainda tin espacio disponibel:

Hulanda vs Suecia
Diasabra, 20 di juni | 1:00 PM
Registra: <https://abwatchparty-netvsswe.rsvpify.com>



Argentina vs Austria
Dialuna, 22 di juni | 1:00 PM
Registra: <https://abwatchparty-argvsaus.rsvpify.com>

Colombia vs Portugal
Diasabra, 27 di juni | 7:30 PM
Registra aki: <https://abwatchparty-colvspor.rsvpify.com>

No perde e oportuni-

dad aki pa experiencia tur e emocion di "FIFA World Cup" riba e pantaya gigante di IMAX.

Registra awe mes pa segura bo luga, entrada ta completamente gratis! Aruba Bank ta brinda bo un Experiencia Deportivo Superior.



HOPI EXITO CORSO!

**SETAR TA DESEA E SELECCION
NACIONAL DI FUTBOL DI CORSO
HOPI EXITO DURANTE
FIFA WORLD CUP 2026.**

NOS TA ORGUYOSO DI BOS!



SETAR ta organisa e Copa Gubernamental 2026



ORANJESTAD (AAN): Diaranson atardi durante e conferencia di prensa na SETAR Conexion Center ta anuncia e torneo di Copa Gubernamental 2026. Un torneo di softball unda cu diferente departamento gubernamental, companianan estatal y institucionan ta participa.

E torneo e aña aki ta wordo organisa pa SETAR Softball Team conhuntamente

cu Pevesa. E torneo ta tuma luga na veld di Kudawecha, cuminsando diaranson 17 di juni 2026 cu e prome partido. Durante 11 dia, 15 team lo participa pa wak ken ta bay cu e titulo maximo di Campeon di Copa Gubernamental 2026. Ademas, e aña aki tambe lo tin participacion di 3 team di damas, di cual un di nan lo titula Campeon di Copa Gober-



namental Damas 2026.

Diabierna 19 di juni 2026, lo tin e apertura oficial hunto cu tur team. Nos ta invita e comunidad di Aruba y fanaticonan pa pasa veld di Kudawecha pa apoya bo team favorito y disfruta di e dushi ambiente deportivo, cu un bar y cushina bon surti.

E aña aki lo tin entretenimento pa Zeta Band, Shine Music y ta clausura e torneo diasabra 27 di juni 2026 hunto cu Tsunami. Sin lubida, pa nos fanaticonan di voetbal lo tin screennan disponibel cu weganan di e Copa Mundial 2026.